

A. NAZ.  
Luce II

III

BIBLIOTECA NAZ.  
Vittorio Emanuele III

XXIII

E

4

NAPOLI

XXIII

E

4





76.

XENOPHONTIS  
SOCRATICI  
LIBER,  
QVI  
OECONOMICVS  
INSCRIBITVR.



BERNARDINVS DONATVS  
VERONENSIS VERTIT.

M D XXXIX.



XENOPHONTIS

SOCRATICI

LIBER

VI

OECONOMICVS

INSCRIBITVR



BERNARDINVS DONATVS

VINDOBONENSIS VERIT.



M D C C X X

CLAR. V. M. ANTONIO AMVLIO  
PATRITIO VENETO DONA  
TVS VERONENSIS.

Olenti mihi hoc tempore honestissimis de causis nu-  
gas illas, (quid enim aliud appellem?) edere, quas  
tu proxima aestate, quum te ad nos in Vicetinos mon-  
tes contulisses, tantopere, quæ tua est humanitas, flagitabas, imis-  
tari illos placuit, qui per ignotas regiones facturi sunt iter; qui si  
modo vel mediocri aliqua prudentia sint præditi, hoc ipsum sine  
certo duce facere non audent. itaq; quum ipsa hæc scripta nos  
stra quæ vides, M. Antoni Veneta nobilitatis decus, qualiacunq;  
sint, essem in manus hominum emissurus, vt et ego ea sine metu  
omnis periculi emitterem, et ipsa sine vlllo errore, quo tendunt,  
peruenirent, prius ad te huiusce itineris peritissimum ire volui,  
tuisq; semper insistere vestigijs iussi. et fateor quidem, potuisse me  
illa ad alios multos præmittere, quos eadem ratione sequerentur:  
sed quum tria præcipue in optimo quoq; duce esse necessaria intel-  
ligerem, locorum omnium atq; itinerum peritiam, gratiam apud  
eos, ad quos sit accessurus, qui ducitur, amorem erga eundem: ex  
his ipsis alij hoc, alij illud defuturum videbam. in te vno omnia  
illa perspexi. atq; ita quidem, vt etiam si quis esset, qui eorum  
vnum alterum ue præstare posse videretur, tu tamen in eodem illo  
excelleres. iam enim tu tantum, ista præsertim ætate, in hisce stu-  
dijs nostris vales, vt cuius scripta tibi placuerint, is possit fas-  
cile omnium aliorum contraria iudicia contemnere, non aliter quàm  
ille quondam sui poematis recitator, manente vno Platone, cætes-  
ros omnes qui abierant, optimo iure contempsit. hoc erit in te mea  
hæc scripta prius, q̃ enittantur legente, quod in duce itineris peo-

ritia esse solet locorum, gratia vero si quis se tecum pugnare, tibi  
biq; parem esse posse confidit, hic aut te nunquam vidit, audiuitq;  
praesentem, aut se ipsum protus ignorat. fidem hac predicanti  
mihi facit, tua illa omnium rerum publicarum et clarissima et sa-  
pientissima patria, quae tibi vel ultro suos deferre honores ipsa  
non destitit, dum tu altero quodam vitae genere delectaris, illo vis  
delicet, quod excellentissimis quibusque ingenijs maxime expeten-  
dum esse visum est semper. et quos tamen gessisti, honestissimos  
illos quidem, ita gessisti egregie, ut rationes tibi de more refe-  
renti, resq; exponenti tuas, nemo è tuis ciuibus esset, qui non tibi  
facto concursu ex animo gratularetur. de amore autem tuo,  
hoc mihi vere posse affirmare videor, me tibi uni; praeterea nea  
mini horum scriptorum vitam referre acceptam debere. quare quod  
te hisce scriptis meis quasi solem quendam clarissimum, à quo et  
illustrentur et foueantur, elegerim, mihi videor, ita et prudenter et  
iuste fecisse, ut nihil audeam sperare me post hac prudentius aue-  
iustius facturum.



## AD LECTOREM.

Enophontis Socratici de re familiari dialogum, opus  
 quo nullum apud Græcos aliud extat exquisitius, nuls-  
 lum omnino suis numeris absolutius, Cicero latinum  
 olim fecerat: quo quidem labore functum illum, quum lectio ve-  
 terum grammaticorum declarat, qui sapius loca ex illo opere ad  
 verbum deprompta vsurpant: tum Columellæ: quem apud nos de  
 agricultura accuratissime scripsisse omnes nouimus: tum in primis  
 Ciceronis ipsius de se ipso testimonium: cuius in secundo de offi-  
 cijs libro ad Marcum filium verba illa sunt, quæ huic et loco et  
 proposito maxime conuenire videntur. Res, inquit, familiaris quæ  
 ri debet ijs rebus, à quibus abest turpitudine: conseruari autem di-  
 ligentia et parsimonia: ijsdem etiam rebus augeri. has res com-  
 modissime Xenophon Socraticus persecutus est in eo libro, qui  
 Oeconomicus inscribitur: quem nos ista ferè ætate quum essemus,  
 qua es tu nunc, e Græco in Latinum conuertimus. nemini ergo  
 dubium esse iam debet, quin Cicero, vt diximus, eo labore sit fun-  
 ctus. sed quum hoc ipsum Ciceronis tam præclarum opus vnà cū  
 plarisq; alijs eiusdem viri egregijs operibus interierint, aliquot ab  
 hinc annos, complures à me amici postularunt, vt id Latinum rur-  
 sus redderem. quibus ego quidem acriter denegabā, propterea quod  
 et ipse Græcum eiusmodi opus viderem eo genere dicendi subnia-  
 xum, tot iam sæculis stare, vt nulla vnq̃ Latina oratio tanta exa-  
 cellentiæ responsura esse videretur, et testem huius difficultatis ha-  
 berem Hieronymum, qui ne Ciceronem quidem ipsum omnibus  
 eo in opere placuisse affirmaret. nam in præfatione, qua in Chro-  
 nica Eusebij vtitur, Etiam noster Tullius, inquit, Platonis inte-  
 gros libros ad verbum interpretatus est: et quum Aratum iam Ro-  
 manum hexametris versibus edidisset, in Xenophontis Oeconomico

lufit. in quo opere ita fape aureum illud flumen eloquentia, quibusdam  
scabris et turbulentis obicibus retardatur, vt qui interpre-  
tata neſciunt, à Cicerone dictata non credant. hac quidem Hieronymus.  
ſed vnde ego recusandi laboris ocaſionem maiorem mihi offerri putabam, inde illi acrius inſtabant: ſi non gloria, quam ex ſtilo me conſecuturum ſperarem, at ſaltem gratia atq; vilitati amicorum hoc darem: quorum nonnulli eſſent, qui, quum re ſua familiari vnice delectarentur, et Columellam, Varronem, Virgilium, Plinium, alioſq; noſtros ſapius legiſſent, huius vnus tam diuini operis lectionem deſyderarent: quippe quum eorum pars Græce omnino neſciret, alij vero etiam ſi ſcirent, libentius tamen alie no fruerentur. vt ea diſcerent, quæ Græce ſcripta ſunt, q̃ magno ſuo labore peregrinam linguam intelligere conarentur. ſatis ergo futurum, ſi docendi duntaxat gratia planè, perſpicueq; rem ipſam Latinis, purisq; verbis comprehendere. ornatum illum, illam Xenophontis ſuauiſſimam, illos Ciceronis floſculos, ſi à me non afferantur, ſe non deſyderare, dum id vnum aſſequantur, vt quod ſcriptum ſit, facile intelligant. dedi igitur manus. quid enim facerem talibus viris iubentibus? Latinum reddidi opus quoquoſo modo potui, certe tamen fide, vt maiore non potuerim. in quo tantum abeſt, vt me aliquid putem omiſſiſſe, quod in Græco habeatur, ex ijs duntaxat exemplaribus, quæcunq; habere potui, vt alijs qua potius alicubi verba, quæ in illis non ſint, addenda putauerim, quod et Hieronymus in eo libro, quem de optimo genere interpretandi ſcripſit, et Cicero in tertio de finibus ad lucem interpretationi inferendam docent ſine vlllo authoris damno eſſe faciendum. deniq; nihil magis curauim, q̃ vt Xenophon Latinè et planè loqueretur: hoc eſt, ita vt etiam à ſomniculoſo lectione intelligi poſſet.

Vale.

Errata, quæ inter imprimendum euenere,  
sic corrigito.

Folio vij.	à tergo.	versu xxviij.	quin etiam.
fo. xij.	à tergo.	u. xxvi.	conueniant.
fo. xliij.	à fronte.	u. xxiiij.	magistram.
eodem	à tergo.	u. ij.	ad uescendum, et u. xxi. pertinent,
		et u. xx.	si qui.
fo. xvi.	à tergo.	u. xxij.	perpulchram.
fo. xvij.	à fronte.	u. ij.	transsegimus.
fo. xviij.	a fronte.	u. xxvi.	narrante.
fo. xx.	à tergo.	u. xx.	qui inquit.
fo. xxi.	a fronte.	u. vij.	assentior
fo. xxij.	a tergo.	u. ij.	contra, interdum
fo. xxij.	a fronte.	u. i.	villicos
fo. xxliij.	a fronte. u.	i.	isto sermone et u. iiii. dilis
			gentes. et u. xxiiii. egregia
fo. xxv.	a tergo.	u. xx.	illæ enim
fo. xxvi.	a tergo.	u. xxv.	Atqui
fo. xxvij.	a tergo.	u. viij.	nunc dicis. et u. xxii. auditu
			rus (hoc. et u. xxiiii. capiam
fo. xxviij.	a tergo.	u. iiij.	Atqui
fo. xxix.	a tergo.	u. xxvi.	fimū. et u. xxvii. istuc verū
fo. xxxi.	a fronte.	u. ij.	quon
fo. eodem	a tergo.	u. xij.	vides u. xliii. atqui
fo. xxxiiij.	a fronte.	u. ij.	Atqui
fo. eodem	a tergo.	u. vij.	iisdem
fo. xxxv.	a fronte.	u. xxiii.	siquidem

Introduction	1
Chapter I	1
Chapter II	1
Chapter III	1
Chapter IV	1
Chapter V	1
Chapter VI	1
Chapter VII	1
Chapter VIII	1
Chapter IX	1
Chapter X	1
Chapter XI	1
Chapter XII	1
Chapter XIII	1
Chapter XIV	1
Chapter XV	1
Chapter XVI	1
Chapter XVII	1
Chapter XVIII	1
Chapter XIX	1
Chapter XX	1
Chapter XXI	1
Chapter XXII	1
Chapter XXIII	1
Chapter XXIV	1
Chapter XXV	1
Chapter XXVI	1
Chapter XXVII	1
Chapter XXVIII	1
Chapter XXIX	1
Chapter XXX	1
Chapter XXXI	1
Chapter XXXII	1
Chapter XXXIII	1
Chapter XXXIV	1
Chapter XXXV	1
Chapter XXXVI	1
Chapter XXXVII	1
Chapter XXXVIII	1
Chapter XXXIX	1
Chapter XL	1
Chapter XLI	1
Chapter XLII	1
Chapter XLIII	1
Chapter XLIV	1
Chapter XLV	1
Chapter XLVI	1
Chapter XLVII	1
Chapter XLVIII	1
Chapter XLIX	1
Chapter L	1
Chapter LI	1
Chapter LII	1
Chapter LIII	1
Chapter LIV	1
Chapter LV	1
Chapter LVI	1
Chapter LVII	1
Chapter LVIII	1
Chapter LIX	1
Chapter LX	1
Chapter LXI	1
Chapter LXII	1
Chapter LXIII	1
Chapter LXIV	1
Chapter LXV	1
Chapter LXVI	1
Chapter LXVII	1
Chapter LXVIII	1
Chapter LXIX	1
Chapter LXX	1
Chapter LXXI	1
Chapter LXXII	1
Chapter LXXIII	1
Chapter LXXIV	1
Chapter LXXV	1
Chapter LXXVI	1
Chapter LXXVII	1
Chapter LXXVIII	1
Chapter LXXIX	1
Chapter LXXX	1
Chapter LXXXI	1
Chapter LXXXII	1
Chapter LXXXIII	1
Chapter LXXXIV	1
Chapter LXXXV	1
Chapter LXXXVI	1
Chapter LXXXVII	1
Chapter LXXXVIII	1
Chapter LXXXIX	1
Chapter LXXXX	1
Chapter LXXXXI	1
Chapter LXXXXII	1
Chapter LXXXXIII	1
Chapter LXXXXIV	1
Chapter LXXXXV	1
Chapter LXXXXVI	1
Chapter LXXXXVII	1
Chapter LXXXXVIII	1
Chapter LXXXXIX	1
Chapter LXXXXX	1

1  
XENOPHONTIS COMMENTARIO  
RVM DE SERMONIBVS SOCRATIS  
LIBER QVINTVS, QVI OECONOMI-  
CVS INSCRIBITVR, HOC EST,  
DE RE FAMILIARI.

VNDEM Audiui de re familiari differen-  
tem ad hunc modum. Age dum , inquit, dic mihi,  
ô Critobule, de re familiari quid tandem censes?  
est ne ea cuiuspiam scientiæ nomen? veluti vides  
mus quandam esse artem et medendi, et fingens  
di aris, et ædificandi. Mihi vero, inquit Critobulus, videtur.  
Num igitur, quemadmodum possumus earum artiũ dicere, quid vnas  
quæq; muneris et officij habeat, ita rei familiari possumus suum alio  
quod munus assignare? Nimirum, Critobulus inquit, censeo ego quis-  
dem boni patris familias munus esse, rem bene suam familiarem ges-  
rere. Tum Socrates, non ne item alienam, inquit, æque ac suam, si  
velit, bene gerat, si quis modo curam ei mandet? nam ædificandi  
peritus nõ secus alteri operã suo munere fungendo tribuat, quàm sibi.  
Quid igitur patrem familias? idem ne censes facturum? Ego vero, ô  
Socrates. Tum ille, nihil ergo prohibeat, inquit, qui hanc artem dis-  
dicerit, quãuis ipse pecuniam non habeat, eum tamen gerenda re alio  
qua, non secus, atq; alium quempiam ædificando, qui videlicet ædis-  
ficandi peritiam sit adeptus, operam suam mercede locare? Tum Cri-  
tobulus, sanè, inquit, magna etiam mercede sit dignus, qui tali cura  
assumpta, ea munera obeat, quæ oportet, parandisq; opibus ipsam  
rem augeat familiarem. At enim res hæc familiaris quid tandem nobis  
esse videatur? num idem, quod domus? an etiam quæcunq; extra

domum quis possideat, omnia in re familiari habenda sunt? et Critobulus, mihi quidem certe, inquit, videntur, etiam si in eadem ciuitate non sint, quæ quis possidet, in eius tamen re familiari esse vniuersa. Nempe etiam inimicos possident quidam. Prorsus possident: ac multos quidem non pauci. Num igitur inimicos quoque horum possessiones esse dicemus? Et Critobulus, atqui, inquit, ridiculum sane id fuerit; si quis dum auget inimicos, etiam pro eiusmodi officio mercedem ferat. Certè id quidem: quando res alicuius familiaris idem nobis visa est esse, quod possessio. Tum Critobulus, nimirum, inquit, possessionem ego vocauerim quicquid boni quis possideat; si quid vero mali insit, non item. Videris mihi quæ cuique utilia sint, ea duntaxat possessiones vocare. Hoc prorsus modo, inquit: nam si qua sint, quæ noceant, detrimenti ego hæc potius nomine appellauerim, quam pecunia. Nonne igitur, licet quis emptor à se equo uti nesciat, sed ex eo præceps labatur, infortuniumque ferat, huic tamen pecuniæ loco sitequus? Haud sanè: si quidem bonum est pecunia. Ergo ne terra quidem homini pecunia fuerit, si quis eam ita exerceat et colat, ut damnum faciat ex cultu? Prorsus ne terra quidem nomen pecuniæ obtineat, si dum nutriendus est cultor, ad egestatem et famem ipso cultu illum redigat. Eadem ergo ratio pecudum sit: nam si quis propterea damnum faciat, quod pecudibus uti nesciat, ne pecudes quidem ei sint pecuniæ loco. Non utique, meo quidem iudicio. Tu igitur, quantum ego audio, quæcumque profunt, pecuniæ nomine appellas: quæ vero obsunt, non pecuniæ. Sic sanè. Fieri igitur potest, ut vna eademque res, ei quidem, qui illa commodè uti sciat, pecunia sit; ei vero, qui nesciat, non pecunia. Idem istuc censeo: quod quidem etiam in tibijs vsu uenit: nam tibijs si quis probe canere sciat, tum illæ pecuniæ nomen obtineant; si quis autem nesciat, non magis, quam lapides, quorum nullus sit vsus; nisi forte is venundet illas. Istuc verò ipsum rursum nobis placet: tibijs vendentibus quidem pecuniæ vsus præ



stare; non vendentibus autem, sed penes se retinentibus, non item; si modo ij sint, qui tibijs, vt dictum est, vti nesciant. et sanè oratio nobis hoc pacto, o Socrates, sibi ipsa consentiens texti, duciq; videtur: si quidem iam dictum est, quæcunq; possidenti utilia sint, ea duntaxat pecuniæ nomine appellanda: nam tibiæ, nisi vendantur, nunq; pecuniæ vsum præstabunt. qui enim id, si illis vti nescit, qui possidet? at, si vendantur, sine dubio locum pecuniæ obtinebunt. Socrates autem aduersus hæc, si quidem, inquit, is vendat, qui quatenus vendendum sit noverit. at si rursus ab eo vendantur, qui pretii vsum ignoret, ne vendita quidem, tua ista ratione, tibiæ ad pecuniam pertinebunt. utilis enim est possidenti pecunia. Videris mihi, ô Socrates, id dicere; etiã argentum ratione pecuniæ amittere, si quis eo vti nesciat. Tu vero mihi hoc ipsum fateri videris: ex quibus videlicet possit quispiam iuuari, ea sola pertinere ad pecuniam. certe si argento ita quispiam utatur, vt eo sibi, exempli gratia, amicam emat, et ex ea re deterius valere non solum corpore, sed etiã animo incipiat, rei q; item familiaris detrimentum facere, quæ ratione huic argentum sit utile? nunq; dixeris. Nunq; equidem: nisi forte etiam Hyosciamum quod vocant, pecuniam esse dixerimus: quod genus qui ederint, ad insaniam redigi solent. Proinde argentum quidem, si modo quis eo vti nesciat, ita procul repellatur, ô Critobule, vt nullo modo pecunia sit. At vero amicos, si quis eis ita vti sciat, vt ex ijs aliquem fructum percipiat, quo tandem loco posuerimus? Pecuniæ nimirum, inquit Critobolus; ac multo quidem verius, q; boues, si modo bubus vtiliores ij sint. Ergo inimici quoq; tua ista ratione, si quis modo iuuari etiam ab ijs possit, ad pecuniam pertinebunt? Ita prorsus existimo. Boni ergo patris familias officium fuerit. scire, quo pacto etiam inimicis utatur, vt ab ijs quoq; emolumentum quidpiam ferat. Ac præstrenui quidem. Etenim cernis, inquit, iam nunc, o Critobule, quot priuatorum hominum familias ob rem bellicam creuerint, quàm multa etiam ob facta tyrannica. Tum Critobu-

lus, at qui, inquit, cætera quidem probè ad modum mihi dicta esse videntur. Vnum illud amplius quæramus, si placet, quo sit nobis loco habendum: videmus enim nonnullos quibusdam facultatibus præditos, quas si exercerent, facile rem suam familiarem augere possent: quos tamen rursus intuemur nihil plane talium rerum conari, quo circa ijsdem inutiles eas facultates, atq; artes facile reddi animaduertimus. de hoc igitur genere hominum expecto quid dicas. Nihil aliud, meo quidem iudicio, hic sit dicendum, quam talibus hominibus eas artes neq; in pecunie, neq; in possessionis loco habendas. Et Socrates de mancipiis mihi. inquit, ô Critobule, istum moliris sermonem? Minime, inquit, ego istuc. O Socrates, sed de quibusdam loquor, qui uel generosi admodum esse videntur: quorum ego nonnullos armorum ac belli, alios facis atq; ocij instrumenta adeptos conspicio; ea vero instrumenta exercere, aut colere nolentes ob hanc ipsam causam, vt ego quidem arbitror, quod dominos non habent. Et Socrates, cur tandem, inquit, dominos isti non habent, qui dum optant se beatos euadere, dumq; ex ijs, quibus præditi sunt facultatibus, bona student comparare, interim id facere ab ijs prohibentur, qui ipsis imperant? Et Critobulus, qui quæso, inquit, isti sunt, qui illis ex occulto imperant? Et Socrates, neutiq; inquit, ex occulto, sed planè, atq; euidenter, ac propterea quod nequissimi sunt, ne te quidem eos latere arbitror; si modo nequitiam eandem esse intelligis, et ignauiam, et mollitiem animi, et negligentiam. ceterum aliæ quoq; sunt blande illis, et cum fraude imperantes dominae, quæ se voluptates esse profitentur: ludos ego hic intelligo, et inutiles cum alijs hominibus confabulationes: quæ spatio temporis ab illis quoq; ipsis, quos deceperint, planè deprehendi solent, dum molestias esse illas voluptatibus implicatas sentiunt, quibus victi, ac cedentes, à fructuosis actionibus ante hac prohibiti sint. Tum Critobulus, at enim alij, inquit, sunt, qui ab ijs opus facere non prohibeantur, sed contra, et ad opus propensissimi, et ad novos prouentus excogitandos sollertissimi: et tamen dos



mos, atq; familias absumant, et egestate atq; inopia laborent. Et So-  
 crates isti quoq; inquit, seruitute premuntur, atq; admodum quidem  
 difficilium dominorum; alij ventris ac gulæ; alij obscenarum libi-  
 dinum; alij ebrietatum; alij ambitionis cuiusdam stultæ, ac sumptuo-  
 sæ: quæ quidem omnia ita asperere hominibus, quos subegerint, impe-  
 rare consueverunt, vt quam diu quidem eos cernant valentes, ac robu-  
 stos, et ad opus faciendum idoneos, cogant sibi ferre quæcunq; ipsi ela-  
 borauerint, operâq; omnem suis ipsorum cupiditatibus impendere: simul  
 ac vero eosdem imbecilles factos senserint ob senectutem, ita vt opus  
 facere amplius non possint, tum et istos deserant, qui senio cõficiantur,  
 et alios sibi seruos adsciscere studeant, quibus vtantur. verum aduersus  
 hæc, ô Critobule, non minus pro libertate pugnandum est, q̃ ad-  
 uersus eos, qui armis nos subigere conantur: nam huius quidem generis  
 hostes iam vidimus, qui vbi et multitudine, et viribus ipsi præstantes,  
 alios quosdam in seruitutem rede gere, tum eorum non paucos meliores  
 fieri castigando coegerint, eisdemq; reliquæ vitæ multo facilius agē-  
 dæ authores extiterint: at vero hæc domina, de quibus loquimur, quā  
 diu hominibus imperant, nunq̃ et corpora eorum, et animos, et quæ  
 possident omnia pulsare desistunt. Critobulus ergo vbi hæc audiuit,  
 in hunc modum locutus est. At enim, inquit, de talibus quidem res  
 bus abunde satis mihi videor ea, quæ à te dicta sunt, percepisse.  
 quod vero ad me attinet, dum me ipsum exploro, probè admodum  
 mihi videor sentire me istiusmodi vniuersa domuisse. Quare si iam  
 nunc me doceas quidnam me facere oporteat, quo rem augeam fa-  
 miliarem, nihil fuerit, cur me illæ, quas tu dominas vocas, id face-  
 re prohibeant. Quin tu bono potius animo consule, si quid boni ha-  
 bes. An vero nos, ô Socrates, aspernaris quasi eos, qui iam abunde  
 satis diuites simus: tibiq; nullarum amplius indigere pecuniarum vis-  
 demur? Non equidem, inquit Socrates. sed si de me loquaris, sanè  
 nullarum mihi ipse videar indigens pecuniarum, sed diues satis su-

perq; esse. tu verò, ô Critobule, mihi videris esse admodum pau-  
per: atq; adeo interdum, mihi crede, valde tui misereor. Tum Cri-  
tobulus cum risu, et quantum, inquit, obsecro te, ô Socrates, nūmo-  
rum, si tuæ res veneant, ex his conflatum iri arbitraris; quantū rursus,  
si meæ? Et Socrates, ego quidem, si bonū emptorem sim nactus,  
ex domo et rebus omnibus quæ mihi sunt, facile, inquit, me quinq;  
minas conflaturum sperauerim. porro ex tuis te non ignoro huiusce  
pretii, quod dixi vel centuplum et amplius coacturum. Tum tu quum  
hæc adeo planè noueris, te quidē pecuniæ indigere non putas? mei  
autem te miseret ob paupertatem? Næ inquit: quando mea tantum  
mihi præbere posse intelligo, quantum satis est. quod autem ad per-  
sonam, quam tu semel induisti, tuamq; existimationem attinet, ne si tri-  
plicentur quidem tibi quæcunq; nunc possides, ea satis fore perspis-  
cio. Et Critobulus, qui quæso, inquit, istuc? Tum Socrates, nem-  
pe, inquit, quod primum necesse tibi esse video et multa et ingens  
tia de more sacra facere: alioqui q̃ multos ego homines fore proui-  
deo, qui te perpeßuri non sint: deinde hospites multos te accipere  
oportet, et eos quidem splendide atq; magnifice. deinde ciuibus  
tuis cœnam interdum parare, eorumq; non paucos tibi beneficijs ob-  
stringere, aut sine socijs atq; amicis fore posthac. ciuitatem quoq;  
ipsam perspicio. tibi iam nunc, ingentia munera imperare, vt equos  
alere, vt choris sumptum præbere, vt gymnasijs, alijsq; rebus præesse.  
quod si bellum ingruat, cerno iam tibi et stipendia in naues, et tot  
tributa imperanda, quot tu nunq̃ facile possis sustinere. quorum  
si quid minus forte ad vnguem effectum præstitisse vnq̃ videaris,  
nouit ego Athenienses tibi non secus supplicium et multam irrogau-  
eros, quam si te sua ipsorum furatum deprehendissent. quibus res  
bus, quum te tibi ipsi videri diuitem videam, ac propterea in quæ-  
renda pecunia minus diligentem, atq; industrium, ac ludicris potius  
rebus, quantum tibi est facultatis, studentem, facere nō possum, quin

me tui misereat; dum timeo, ne in immensum aliquod exitiū præceps deuoluaris, et ad extremam inopiam deuenias. nam mihi siquid vnq̃ defuerit, ne tu quidem ignoras futuros, qui suppedient; atq; adeo, vt vel exiguum quiddam præbentes, refertim omnibus copijs victū sine præstaturi. tui vero amici, quamuis ad viuendum necessaria multa abundantius suis copijs, quam tu tuis possideant; idem tamen dum à te inuentur, expectant. Et Critobulus, ego plane inquit, ô Socrates, quid aduersus hæc dicam non habeo. proinde tempus tibi iam fuerit te mihi ipsū ducem præbere, ne iam nunc te vera fies miserabilis. Quod vbi audiuit Socrates; et non putas, inquit, ô Critobule, te stuporis cuiusdam nota esse dignum; qui, quum paulo ante ipse dixissem me diuitem, non tenuisti risū aduersum me, tanq̃ in eum, qui tibi videret ne quid diuitiæ quidem sint, scire? nec prius desisisti; quam redargueris me, et fateri coegeris, ne centesimam quidē tuarum rerum partem possidere? nunc autem me tibi ducem esse iubes, et cauere, ne quando ad veram omnino paupertatē redigaris. Nempe, ô Socrates, video te, inquit, vnum quiddā tenere, quod ad diuitias pertineat. Id porro est rem ampliore facere: quod si tu ad ea, quæ pauca sunt, multiplicanda et augenda idoneus es, longe facilius ea, quæ multa iam sunt, te et plura et ampliora facere posse sperauerim. Non tu ergo memoria tenes, quod à nobis dictum est nuper, quum mihi ne mutire quis dem permittebas, propterea quod equos non esse pecuniam contenderes ei, qui equis: quò pacto vteretur, nesciret, nec terram ei, qui terra, nec pecudes, nec argentum, nec deniq; aliud quidq̃, cuius quis peritiam atq; vsum adeptus non esset? porro non te latet ab istiusmodi rebus omnem esse prouentum capiendum. me autem, quem tu tandem alticulus horum vsum tenere arbitraris, qui nūq̃ quiddā omnino talium rerum possedit? Atq̃ uenit vtriq; placebat, quamuis vsu veniret alicui; vt nullius pecuniæ dominus esset, quandam tamen huic esse posse rei familiaris scientiam. quid igitur prohibet te istiusmodi scientiæ peritum esse? Nemo

pe idem, quod et quicunq; hominem scire tibijs prohibeat: nam si quis  
neq; vnq; tibias ipse habuerit, neq; alius ei suas ad discendum concess  
serit, quomodo is vnq; tibijs sciet? hoc ipsum sane nunc mihi vsu ve  
nit in re familiari: nam neq; ipse vnq; pecunias, quæ sunt rei familia  
ris instrumenta, possedi, vt ijs possem discere, neq; alius mihi sua, quæ  
administrarem concessit, nisi tu nunc forte velis concedere. ceterû qui  
cithara canere nunc primum discunt, aut lyra, ij solent etiam ipsa ins  
trumenta vastare. quare si nunc domi tuæ rem familiarem discere aggre  
diar, fortasse rem tuam omnem ac domum euertam. At Critobulus ad  
uersus hæc, libenter, inquit, ô Socrates, laborem mihi subterfugere vi  
deris, neq; velle mihi vlli esse adiumento ad onera rei meæ familiaris  
lexius ferenda. Non equidem, inquit Socrates, ita et viuam et valeam:  
quid potius quæcunq; tali de re habeo, ea vel libentissime tibi sum  
omnia impertiturus. puto autem si ignem quoq; ad me peritum venisses  
et propterea quod non haberem, vnde id tibi præstarem, te alio remitte  
rem, vnde facilius posses accipere, nullis te fuisse aduersum me quere  
lis vsurum. si vero etiam aquam postulanti tibi, ipse non habens, dux  
authorq; essem, vt illuc ires, unde tibi haurire liceret, nec hoc quidem,  
puto, mihi vt criminosum exprobrares. quod si musicam artem volenti  
a me discere, alios tibi ostenderem eius artis longe, q̃ ego sum, peritio  
res, qui vel gratias habituri essent, si modo ab ipsis velles discere,  
quid causæ esset, cur me tibi hæc facientem accusare? Nihil sane me  
rito, ô Socrates. Ego igitur tibi ostendam, ô Critobule, eorum quæ  
a me discere tantopere cupis, alios multo peritiores, q̃ ego sum, magis  
stros. nam hoc ipsum fateor me curauisse nonnunq; vt tenerem, qui non  
singularum rerum peritissimi essent in ciuitate: quum enim ab iisdem res  
bus alios quidem valde inopes, alios autem contra, valde diuites exi  
stere didicissem, non mediocriter sum miratus, ipsamq; rem dignam con  
sideratione iudicaui. Itaq; quum diligentius quærerem quidnam id esset,  
inueni vtrumq; eorum fieri admodum probabiliter; eos enim qui temere  
taliam

talia administrarent, damnum facere videbamus eos autem qui animo  
 nulla in parte remisso curam adhiberent, et celerius et facilius et mas  
 iori cū lucro negociū suum agere comperiebam: à quibus te quoq;  
 arbitror, si volueris, discere, modo ne tibi conanti Deus aduerjetur,  
 apprime excellentem pecunie augendæ artificem euasurum. Qua  
 quum audiuisset Critobulus, Nūc adeo, inquit, ego neutiq; dimittā  
 te, ô Socrates, nisi prius, quæ mihi hisce amicis audientibus pollicitus  
 es, ea omnia demonstras. Tum Socrates, quid igitur, inquit, si pri  
 mum tibi alios quidem ostendā, qui ades inutiles multo argento adi  
 ficauerint, alios vero, qui multo minore summa, omnibus rebus, qui  
 bus oportet, aptas construxerint: num tibi hoc pacto videat vnum  
 aliquod munus eorum, quæ ad rem familiarem pertinent, ostendisse?  
 Maximè id quidem, inquit Critobulus. Quid porro, si quod sequi  
 tur ipso ordine, id quoq; tibi demonstrare aggrediar: alios quidem  
 qui et multa et omnis generis supellectilia possideant, his ipsis tamē,  
 quum opus est, neq; scire quemadmodum utantur, neq; vtrum sibi ea  
 domi salua sint, memoria tenere; ac propterea et multis ipsos sæpe affi  
 ci molestijs, et multis item familiam afficere: alios autem, qui nihilo  
 plura illis, ac potius pauciora domi habeāt, ea ipsa tamē in promp  
 tu habere, quum opus est, usq; vti commodissime? Atenim, ô So  
 crates, quid tandem in causa fuerit, cur horum quidpiam illis euen  
 iat: num quod illis quidem omnia tenere, ac fortuito dispersa iac  
 ceant, his autem singula suis, certisq; locis disposita teneantur? Istuc  
 ipsum videlicet, inquit Socrates. sed item, tamet si ne fortuitis quid  
 dem locis, sed illic, vbi deceat, aptumq; sit, singula collocata sunt.  
 Et Critobulus videris mihi, inquit, istuc quoq; vnum ex ijs, quæ  
 ad rem familiarem pertinent, dicere. Quid igitur, inquit, si tibi rui  
 sus seruos ostendam alibi quidem, vt ita dixerim, vinetos teneri vni  
 uersos, et hos ipsos tamen gregatim vndiq; fugere: alibi autem sos  
 latos, vltro tamen ad opus faciendum ferri, atq; in perpetuum dus



rare: nō ne item hoc tibi videar vnam ex ijs quæ ad rem pertinent  
familiarem, cōsyderatione dīgnū ostendere: Sine dubio id quidem,  
inquit Critobulus, ac vel maxime. Si vero itidem ex ijs, qui rei rusti  
cæ student, alios quī agris colendis perūsse se, atq; ad inopiam redactos  
dicunt, alios autem contra, qui omnia, quæ ad viuendum sunt  
necessaria, ex vna se agricultura, abunde, atq; egregie capere, quid  
tibi tum deniq; videatur: Tum Critobulus, nimirum isti, inquit, nō  
solum in ea fortasse impendunt, quæ non oportet, sed etiam quæ et  
sibi ipsis, et rei familiari perniciem afferāt. et Socrates, sunt, inquit,  
fortasse etiam aliqui tales; verum ego de istis non loquor: sed de  
ijs, qui, quum se agricolas profiteantur, ne in ea quidē, quæ maxime  
necessaria sunt, quidā habent, quod impendant. Et quæ tandem fue  
rit huiusce rei causa, ô Socrates: Si ego, inquit ille, ad hos quoq;  
duxero te, tum tu spectans eccquid per te ipsum discēs: Maxime,  
inquit, si modo possim. Atqui oportet te tui ipsius periculum specta  
tando facere, num huiusmodi sis cognitionem adepturus. ego enim  
de te exploratum hoc habeo, si ad spectandos comædos sit eundem,  
te summo mane surrecturum, valdeq; etiam longum iter ingressurum,  
exhortaturumq; me omni studio, vt velim tibi esse spectandi comes,  
qui tamen nunq̃ antea me ad vllum tale opus intuendum vocasti.  
Nempe ridiculus tibi esse videar, ô Socrates. Vide ne tibi ipsi, in  
quit, multo magis. Si vero etiā ex studio atq; arte equitandi osten  
dam tibi alios quidem ad victus inopiam redactos, alios autem fac  
tos valde opulentos, qui interim ipso lucro lati fruuntur: quid tū  
mihi dixeris? At enim mihi istos quoq; vt viderē iam contigit, pla  
neq; eorum vtrūq; genus noui. nihiloq; tamen magis eorum vnus effi  
cior, qui lucentur. Nimirum ita illos spectas, quemadmodū et tra  
gædos et comædos soles, non vtiq; ni fallor, vt poeta efficiaris,  
sed vt voluptatem ex visu audituq; capias: atq; istuc ipsum recte  
fortasse, neq; enim poeta vis fieri, quum autem equis vti tibi neces

se fit, non ne te ipsum stultitiae condemnas, si non ita rem huiusmodi spectas, ut ne illius post hac ignarus imperitusque sis, praesertim, quum idem sint et ad usum apti, atque habiles, et ad mercatura institutum quaestuosi? Equis domandis me dare operam iubes, o Socrates. Minime vero, ac nihilo quidem magis, quam seruos rusticos a pueris ementem instruere. sed esse quaedam mihi videntur et aequos, et equorum, et hominum, quae initio protinus utiles sint, et in dies proficiant. possum autem quosdam tibi ostendere, qui etiam uxorisbus ita utuntur, ut eas in augenda re familiari socias habeant, alios rursus, qui ea ratione, quae ad exitium familiae plurimae redigantur. Atqui huiusce rei culpa, o Socrates, in quem potius conferenda. maritum ne, an uxorem? Tum Socrates, pecus quidem, inquit, si male habeat, pastorem saepius accusare solemus. Item equus si vitiosior fiat, equiti plerumque id vitij genus adscribere: ac mulier si, dum a viro ad bonum instituitur, ipsa interim ad malum feratur, merito fortasse ipsa in culpa sit: sed si, dum illam vir nihil neque boni, neque probi docet, harum rerum imperitam, atque ignaram offendat, non ne in viro iuste omnis culpa resideat? omnino autem, o Critobule, inquit ( amici enim hic adsumus, ) vera inter nos dicere oportet. est alius quispiam, cui plura credas ex iis, quae seria dicuntur, quam uxori? Nullus inquit. Porro autem quo cum colloquens pauciora communicas, quam cum uxore? Sin id minus, ac saltem haud cum multis, inquit. Duxisti porro illam puellam maxime adolescentem, an, quod fieri potuit, eam, quae res paucissimas et viderit, et audierit? Maxime. Ergo longe sit admirabilius, si eorum quae dicere facere ne oporteat, quidquam sciat, quam si nesciens aberret. Tum autem, quibus rebus bonas ais existere uxores, o Socrates, iis ipsi illas erudierunt? Nihil minus considerari, seu spectari potest. verum sistam tibi ego hic Aspasiam, quae certius atque eruditius me ipso, tibi haec omnia monstrabit. puto autem uxorem, quae in rei domesticae socies

estate probè se gerat, in ipsa contentione ad bonum, ad modum equalis momenti ac ponderis suo viro esse. veniunt quidem in ades bona ex viri administrationibus sapius; promuntur vero in summo ptus quotidianos quam plurima ex vxoris custodia. quorum sanè utrunq; si bene geratur, augeri res domesticæ solent; sin male, cõtra scilicet, eadem minuentur. puto autem reliquarum quoq; artium peritos quicunq; singulas pro dignitate exercent, tibi facile ostensuros, si cuius rei tibi ipsi indigere videaris. At qui vniuersas quidem, inquit Critobulus, quid te, ò Socrates, ostendere nobis oporteat? nam neq; facile est omnium earũ professores, ac magistros habere domi, cuiusmodi oportet, neq; est quispiam qui earum ipse peritus fieri possit; sed quæcunq; ex ijs honestissime videntur, neq; maxime nunc tali cura affectum deceant, eas mihi et ipse demonstra, et qui eas exercent, indica. necnon pro eo, quãtum tibi est facultatis ad hæc ipsa docendo me iuuat. Enimvero, inquit, probè Sane dicis, ò Critobule. nam quæ sordide vocantur, et infames sunt, et merito quidem ignobiles ac viles habentur in ciuitatibus. si quidem et eorum, qui ipsas exercent atq; curant, corrumpunt corpora, dum eos et sedere assidue cogunt, et vniuersatili vita torpescere; quædam vero etiam totum diẽ desiderare ad ignem. quorum autem corpora effæminentur, eorundem animi multo imbecilliores euadant necesse est. et ocia, maxime sectantes neq; amicorum, neq; patriæ curam adhibent vllam. quocirca qui talibus artibus assuefacti sunt, neq; satis probè amicis vti videntur, neq; si patriæ subuenire oporteat, ad id illi officij genus præstandum satis idonei esse. proinde in non nullis quidem ciuitatibus, et ijs maxime, quæ in rebus bellicis versantur, etiam prohibentur ciues, omnino earum artium vllam exercere, quæ sordide appellantur. Quibus ergo nos tandem vti iubes, ò Socrates? Tũ ille; num quid igitur, inquit, pudeat nos regem Persarũ imitari?



illum quippe aiunt duas artes rusticam et bellicā in præclaris maxime; necessarijs studijs ponentem, vtranc; nauiter strenueq; curare. et Critobulus quum hæc audiisset, Et tu, inquit, hoc credis, ò Socrates, regi Persarum agriculturam ulli esse curæ? Et ille, hoc sane, inquit, modo si contemblemur, à Critobule, forsitan inueniemus num quod dixi verum sit. equidem res bellicas illum strenue curare nemo est qui neget: quando singulis magistratibus siue præfectis legem dedit, ex quibus nationibus oporteat cōmeatum accipere, et in quot equites, quotq; sagittarios, itē funditores, atq; eos, qui scutis Persicis armantur, distribuere: qui quidem et ad eos, qui sub ipsius imperio sunt cohibendos idonei sint, et si hostes inuaserint, regioni opem in periculo ferant. prætereā ut custodes ad præsidium in arcibus nutrant. et commeatū quidem ijs, qui in præsidio sunt, is magistratus tribuit, cui id oneris impositum est. rex vero singulis annis explorandi gratia milites mercenarios inuisit, aliosq; quibus arma ferre imperatum est. et cogens in vñum omnes, præter eos, qui in præsidio arcium sunt locati, illic adesse iubet, vbi conuentus agi solet. et eos quidem, qui loca habitant ad regionem ipsius pertinentia, ipse inuisit: ad eos autem; qui remotiora incolunt, viros fideles mittit, qui inspiciant. quot quot vero hoc pacto aut præsidijs præfecti, aut tribuni, aut satrapæ non diminutum, ita ut imperatum est, numerum habere uisi fuerint, hosq; ipsos idoneos, ac tam equis, quam armis instructos præbuerint; tum eos cunctos magistratus ille, et honoribus augere, et donis ingentibus ditare consuevit: quoscunq; autem ex magistratibus inuenerint, aut negligentiores erga eos, qui præsidijs præsunt, aut eosdem gratia lucri fraudantes, in eos grauius animaduertit: nam et magistratum eis adimit, et in eorū locum alios diligentiores substituit. quæ dum ille facit, rem bellicā curare à nobis sine ulla controuersia est iudicandus. prætereā quā

cunq; regionem, aut ipse equo inuectus inuisit atq; explorat, cui nō ipse inuisit, sed viros fideles mittit, qui inspiciant, in ea omni, quoscunq; magistratus senserit et loca præbere celebra, et terrā ope roso labore vtilem, arboribus videlicet ac frugibus, quarum vna quæq; est ferax, abunde refertam; ijs et aliam regionem quā cuserent adiungit, et munera ampliora largitur, et loca in confessu honoratiora concedit; quibuscunq; autem, et inertem, et paucis hominibus frequentatam regionem esse videt, siue ob asperitatem, siue ob petulantiam, siue ob negligentiam; eos et pœna afficiens, et à magistratu amouens, alios creat, qui præsent. hæc dum ille facit, videtur ne tibi minus curare qua ratione terra fœcunda, vtilisq; reddatur ab incolentibus; aut quemadmodum ea probe fideliterq; seruetur à custodientibus: horum porro munerū vtrunq; delegare ille solet. nō ijsdem magistratibus, sed diuersis: nam alios eorum colonis, atq; habitatoribus præficit; qui etiam tributa ab illis cogant: alios autem armatis; qui in præsidij custodia causa locati sint. quod si custodia præfectus non, quemadmodum oportet; regioni subsidio sit; tunc, qui incolis præest, et opus rusticum curat; ipsum illum accusat, quod propter custodia negligentiam nō possint coloni opus suū præstare. sin rursus illo pacem atq; ocium colonis suppeditante, habitantium, colonorumq; præfectus infœcundam et inutilem, paucisq; hominibus frequentatam præbeat regionem, tunc ille accusat hunc alterum; fere enim qui male terram exercent, ijs neq; præsidij victum sufficere, neq; tributa præstare possunt exigentibus. verū si quo in loco satrapa sit constitutus, is vtriusq; muneris curam sustinet. tū Critobulus; Ergo si quidem rex, inquit, ista faciat, o Socrates, nō minus scilicet mihi rem rusticam curare quam bellicam videtur. Et Socrates, quia etiam extra hæc omnia, inquit, quascunq; ipse incolit regiones, et ad quascunq; sæpius accedit, in ijs vt horti sint, curat, qui paradisi vocantur, omnibus bonis commodisq; referti, quæ

cunq; terra ferre consuevit . et in ijs ipse plurimum diuersatur , nisi si quando anni tempus prohibeat . scilicet , inquit Critobulus . necesse enim est , ò Socrates , vbicunq; ille diuersatur , illi curæ esse , vt pulcherrimi sint paradisi , et arboribus et omni alio genere bonorum consuti , quæ terra fert . Et Socrates , sunt etiam , inquit , qui dicant regem , quo tempore is dona dat , primos eos vocare , qui in bello strenue se gesserint ; propterea quod nihil profit multum arare , nisi præsto aliqui sint , qui regionem tueantur ; secundo autem loco eos , qui optime terras ipsas colant , et feraces vtilesq; reddant ; ob hanc sane causam , quod ne strenui quidem illi vnde vitam ducant , habituri sint ; nisi alij sint , qui terram exerceant , itaq; Cyrus fertur , qui vnus regum optimus fuit , olim ijs dixisse ; qui ad dona vocati erant , se merito vtriusq; generis dona accepturum : nam se et ad colendam exercendamq; terram esse maxime idoneum , et ijs qui illam colerent , tutandis , et cõseruandis abunde sufficere . Et Critobulus , ergo , ò Socrates , Cyrus quidem , inquit , si talia locutus est , non minus est professus , se regiones fecundas , atq; vtilis ipso cultu reddere posse , quam bellicæ artis peritum esse . Crede id quidem inquit Socrates : Cyrus enim si vixisset , optimus videtur fuisse princeps futurus ; atq; huius rei ipse , quum alia multa dedit indicia , quibus nihil certius ; tum vero , quo tempore profectus est , vt cum suo fratre de regno dimicaret , ab eo dicitur nullus vnq; ad regem transfugisse ; a rege autem ad Cyrum multa planè millia dicuntur . Ego vero eius virtutis , quæ in aliquo principe sit , vel hoc maximum argumentum esse arbitror ; quum imperanti parent non inuerti ; quumq; in illius periculis grauioribus prompto animo permansent . at enim cum illo et dum vixit , amici in pugna omnes , atq; acie permanserunt ; et cum eodem cadente mortui sunt omnes , de sui regis corpore contententes , præter vnum Arisum : casu autem euenit , vt is in sinistro cornu esset collocatus , ad hunc igitur Cyrum

quum *Lysander* venisset *Serdis*, eiq; dona à socijs attulisset, ipse fertur *Cyrus* et ceteris in rebus comem se erga *Lysandrum*, atq; humanum præbuisse, quemadmodum ex ipsius *Lysandri* sermone accepimus, quem *Megar*is olim cum hospite quodā habuit; et ei quendam conseptum agrum diligenter consutum, quem in illa vrbe habebat, ostendisse. quem quidem vbi *Lysander* est admiratus, et in eo, vt pulchræ quidē aspectu essent arbores, vt vero quæ sata essent, paribus inter se interuallis distarent, vtq; arborum directi ordines, et ad omnes angulos egregie sibi omnia responderent, odoresq; varij ac suaves ab ijs, qui inambularent, abunde perciperentur, tum ex admiratione in huiusmodi vocem erupit. At ego, inquit, iste verò omnia, ô *Cyre*, pulchritudinis quidem causa admiror; sed multo magis illum suspecto, qui tibi et dimensus est, et disposuit, descripsitq; singula. Tum *Cyrum*, qui hæc audiuiisset, elatum gaudio dixisse. Scito, ô *Lysander*, à me omnia ista et dimensa, et descripta esse. quin etiam multæ istarum arborum mea manu sunt satæ. *Lysander* verò dum intentis in illum oculis, vestimentorum, quibus indutus erat, nitorem contemplatur, dumq; et monilium, et armillarū, ac reliqui ornatus, quo erat insignitus, splendorem intuetur, respondisse: quid quæso ais, ô *Cyre*? tu ne istis manibus aliquid horum seuisisti? et *Cyrum* aduersus hæc his vsus verbis: Miraris, inquit, hoc, ô *Lysander*? iuro tibi per *Mythram*, eum, qui apud nos omnium deorum est maximus, me, quoad licuerit per validitudinē, nūq̃ adhuc coenatum, nisi sudore prius emisso aliquid eorum tractanti quæ vel ad rusticam rem, vel ad militarem pertineant, vel eorum, aliquid, pro quibus dimicare semper gloriosum putauerim. quæ vbi *Lysander* audiuit; tum vero et complexus est regem, et sic locutus est. Recte verò te, *Cyre*, beatum ferunt; quoniam virtuti tuæ fortuna coniuncta est. hæc porro, inquit *Socrates*, narro tibi, ô *Critobule*; vt intelligas, quod ne illi quidem, qui valde beati videntur

dentur, ab agricultura possunt abstinere. eius quippe studium afferre solet, et voluptatem simul, et rei familiaris incrementum; et ita corpora hominum exercere, ut ad omnia præstanda, quæ ingenuum hominem deceant idonea existant. namque primum ex quibus homines sibi vitam propagant, ea omnia terra fert colentibus. quare eadem pariter ea fert, ex quibus voluptates percipiunt. deinde quibus non modo altaria et simulachra, sed etiam ipsi solent ornari, ea facile una cum suauissimis, et odoribus, et coloribus subministrat. deinde quum obsoniorum varia sint genera, hæc illa partim ex se ipsa gignit, partim etiam pascit ac nutrit: si quidem agricultura res pecuaria coniuncta est, ita quidem, ut et quibus deos sacrificando placatos reddant, et quibus ipsi uti possint, ex ea re habeant. quæ quærem banorum immensam copiam largiatur, non permittit ea cum molitie vel ignauiâ percipi, sed et frigori hyberno, et calori æstiuo ferendis, et corpora et animos hominum assuefacit: et dum eos quidem qui suis ipsorum manibus opus faciunt, exercet; eos autem qui studio et cura duntaxat rem rusticam amplexi sunt, ad nauandam operam summo mane excitat, atque ad iter faciendum vehementius compellit, eosdem interea robustiores valentioresque reddit. nam quæcumque tam in vrbe, quam in agro geruntur suo tempore, eadem quæ commo-  
 dissima, quæque opportunissima cadere consueuerunt. præterea siue equo quis suæ patriæ presto esse ad auxilium cupit, ad nutriendum equum res rustica maxime idonea est: siue pedibus, nihil est quod magis vegetum corpus exhibeat. eadem iis, qui venandi studio tenentur, terram suppeditat, qua quidem dum canibus victum facilem sufficit, dum ferarum copiam subministrat, alacriores interim reddit ad uenationis labores perferendos. nec vero minus equi, canesque agrum iuuant, quæ ipsi ab agricultura iuuantur: nam et equum si cures, ipse te contra matutino tempore ad studia et negocia gestare consuevit; facitque tibi potestatem ab iisdem serius discedendi; et canes solent



feras arcere, ne aut frugibus, aut pecudibus noceant, securitatēq;  
etiam in solitudine præbere. terra quoq; dum in medio parit, alitq;  
fruges, quas victori capere liceat; agricolas, ut regioni armati subsi-  
ueniant efficit promptiores; quæ porro ars alia ad cursum, ad iactum,  
ad saltum, aptiores magisue idoneos præbet, q̃ res rustica? quæ aus-  
tem colentibus se, plura vicissim largitur? aut quæ suauius eum,  
cui ipsa sit curæ, accipere solet, q̃ ea, quæ accedenti ad se porris-  
git, quid quid est, cuius quis indigeat? vel quæ alia liberaliori ho-  
spitio accipit peregrinos? per hyemem vero aut largo igne, aut cali-  
dis lauationibus uti, quo tandē in loco et facilius, et amplius pos-  
sis? quo per æstatem aut aquis, aut flatibus, aut vmbri suauius, q̃  
in agro? quæ autem res alia Dijs, aut magis aptas, convenientesq;  
primitias, aut festorum dierum copias vberiores ostentat? quæ ve-  
ro, aut seruis charior, aut vxori iucundior, aut liberis optatior; aut  
amicis magis grata? mihi quidem valde mirum videtur esse vllū  
ingenuum hominem vnq̃, hac vna re aut iucundius quidq; posse a-  
disse, aut suauius quod curaret inuenisse, aut quod vitæ magis con-  
duceret. terra præterea dum vult eos aliquid discere qui possunt,  
iustitiam ipsa docere non desinit: eos enim, qui diligentissime ipsā  
coluerint, q̃ plurimis bonis vicissim afficere consuevit. quod si quā-  
do crebris exercitiis euenit, ut fructu laborum suorum priuentur  
agricolæ, tum illi, qui et acri et strenua disciplina instructi egregie  
ad laborem gerunt, et animos, et corpora, possunt facile (nisi Deus  
prohibeat) in eorum regiones ingressi, à quibus ipsi prohibentur, il-  
linc, ea quibus nutriantur vicissim accipere. Sape autē in bello etiā  
tutius est armis victum quærere, q̃ rusticis instrumentis. etiam id  
docet agricultura, quemadmodum sibi inter se ad auxilium præsto  
sint. nam et ad bella cum hominibus ire oportet; et ipsa terræ tras-  
latio cum hominibus est. itaq; et eum, qui boni agricolæ officio sit  
functurus, operarios oportet comparare, et alacres, et ad parendū anis

matos; et eū, qui ducem se in bello prabet, tali vti sollertia ac pro-  
 uidentia, vt et donis munerans eos, qui bene et strenue se gerūt;  
 et supplicijs eos afficiens, qui contra; vtrosq; reddat meliores. Sæ-  
 pe etiam non minus necesse est, vt agricola operarios hortetur, quam  
 ne milites imperator. neq; optima spe replere seruos minus est opus,  
 q̃p̃ liberos. quin etiam longe magis, vt maneant non inuiti. et sanè  
 etiam ille probè locutus est, qui dixit, agriculturam matrem ac nus-  
 tricem esse aliarum artium. nam vbi cum illa bene agitur, reliquæ  
 item artes vniuersæ incolumes seruantur: vbi vero terra vel negle-  
 cto vel sublato cultu, cogitur horrere, etiam aliæ artes extinguan-  
 tur ferè et in terra et in mari. Hæc quum audiūisset Critobulus,  
 At qui, inquit, bene sanè mihi ista omnia videris dicere o Socras-  
 tes. verum haud te præterit eorum plurima, quæ ad rem rusticam  
 pertinent ab homine prouideri non posse: nam et grandines, et pru-  
 iæ, nonnunq̃, et siccitates, et immoderati imbres, et rubigines, et alia  
 eiusdem generis multa, ea sæpe nobis auferunt, quæ ipsi bene et  
 prouisa habuimus et effecimus: pecudes etiam interdum quâuis egre-  
 gie auctas, atq; enutritas, repente adueniens morbus cū maximo nos-  
 stro malo deleuit. Quæ Socrates vbi audiuit, tum sic ait, at ego, o  
 Critobule, putabam te scire Deos non minus in ijs quæ ad rem ru-  
 sticam, q̃p̃ in ijs, quæ ad bellum pertinent, dominari: et sanè cer-  
 nis, vt arbitror, eos qui in bello versantur ante bellicas actiones  
 supplicare solitos Dijs, et ab ijs per sacrificia atq; aues sciscitari  
 quid facto opus sit, quid item contra. pro rusticis autem actionis  
 bus atq; operibus Deos placari oportere non putas? at qui scito, in-  
 quit, quemuis prudentem tam pro humidis, quā pro aridis frugibus,  
 item pro bubus, equis, pecudibus, deniq; pro omnibus quæcūq; possi-  
 deat, Deos colere ac venerari. At enim ista quidem, o Socrates,  
 egregie mihi, inquit, dicere videris, qui iubes nos dare operam, vt  
 sine Dijs nullum opus inchoare audeamus, vtpote quum Dij non

minus in ijs, quæ ad pacem atq; ocium pertinent, q̃ in ijs quæ ad bellum, dominemur. hæc igitur ita vt dicis facere conabimur: sed tu iam inde ab ijs profectus quæ de re familiari dicere nobis ag gressus reliquisti, cura vt quæ sequuntur absolvas. nam etiã nunc mihi videor pastq; omnia audiui quacunq; a te dicta sunt, am plius aliquarito q̃ nuper intueri, quid me in vita facere oporteat. Tum Socrates, quid igitur, inquit, num ea primum repetimus, quæ cum assensu inter nos nuper tractauimus, vt si quo modo pos sumus, ea itidem quæ restant cum assensu percurramus? Et Cri tobulus, id vero, inquit, suauè admodum fuerit, vt qui pecunias in commune contulerunt, sine controuersia inter se solent transige re, sic nos qui sermonem conferimus, de quibuscunq; disputamus, ea vicissim assentiendo inter nos, commentemur. Tum Socrates, iam primum ergo, inquit, certę scientiæ nomen res nobis familia ris visa est esse. hanc vero scientiam illam esse censebamus, qua singuli homines rem suam familiare augere possent. res porro hæc familiaris singulorum, idẽ nobis esse videbatur quod possessio uni uersa: possessionẽ autẽ dicebamus esse quidquid vnicuiq; utile esset ad vitam: et vtilia esse illa omnia compertũ est à nobis, quibuscunq; quis vti sciret, omnes vero artes, neq; fieri posse, vt ab vno quo nis discerentur nobis placebat, et à ciuitatibus improbari exclus diq; eas, quæ sordida vocantur, propterea quod ab ijs, et lædila befaetariq; corpora, et frangi animos putaremus. cuius rei certissimum illud indicium afferebamus; si quis quum hostes regionem nostram inuasissent, diuersis locis considere iubens agricolas atq; opifices, seorsum vtrosq; interrogaret, vtrum malint, regioni succur rere, an relicto agro mœnia tutari; futurum, vt qui in agrorum cultu occupati essent, succurrendum esse responderent; opifices ve ro contra, neutiq; esse pugnandum, sed quod vnum didicissent, id sibi videri esse faciendum, vt extra labores atq; pericula sedes



rent. itaq; censui nus bono, atq; ingenuo viro tractationem sciens  
 tiamp; agrorum egregiam, atq; præclaram esse oportere; unde ne-  
 cessaria ad victum sibi homines sufficerent. hanc enim tractatio-  
 nem placebat, et ad discendum facillimam esse; et ad exercendum  
 iucundissimam; et corpora hominum, tum pulcherrima, tum valens-  
 sissima præstare; animis autem nullum prorsus otium concedere;  
 amicorumq; et patriæ studiosam in primis inueniri. placebat etiam  
 nobis agriculturam esse, qua strenui fortesq; redderentur; quippe  
 quæ extra munitiones atq; oppida, et necessaria ad victum gigne-  
 re, et eos qui sibi ipsi operam tribuant alere consueuerit. proinde  
 in maxima quoq; gloria apud ciuitates hoc vitæ genus haberi;  
 quod ciues et optimos et beneuolentissimos communi patriæ suppes-  
 ditaret. Et Critobulus, iam illud, o Socrates, abunde satis a te,  
 inquit, mihi videor didicisse, et pulcherrimam et optimam et sua-  
 uissimam vitæ rationem ab agricultura petendam esse. quod autem  
 dixisti, te causas comperisse, cur alij quidem ex ijs qui rei rusticæ  
 operam dant, ita se gerant, vt ex ea abunde capiant, quæ  
 cunq; ad viuendum necessaria sunt; alij vero ita, vt ipsis inutilis  
 agricultura reddatur; horum sanè vtrumq; ex te iam nunc putome  
 cum magna voluptate auditurum; vt videlicet quæ bona et vti-  
 lia sint ea faciamus; quæ contra, hoc est noxia, vitemus. Tum So-  
 crates, quid ergo? inquit, si tibi a principio narrem, o Critobu-  
 le, quemadmodum olim virum conuenerim, qui mihi re vera vnus  
 ex ijs esse videbatur, qui iuste appellari solent eo nomine quod  
 est, vir egregiusq; et frugi. Et Critobulus, istuc ipsum adeo ex  
 te, inquit, libenter audiuerim. nam ego quoq; istius nominis digni-  
 tatem vehementer affecto. Et Socrates, dicam igitur tibi, inquit,  
 quemadmodum etiam mihi contigerit; vt et uiserem illum, et con-  
 templatæ. nam bonos quidem fabros aut tignarios aut ferrarios, ut  
 uiserem; item pictores aut statuarios, aliosq; eiusdem generis bonos

11  
artifices, aliquid temporis fateor mihi concessum est: sed ita breue  
atq; angustum, ut non satis et obire singula, et intueri, quæ illi  
egregia opera elaborassent, potuerim. at interim eos vt spectarem  
qui tam graue nomen obtinuissent, quam hoc ipsum est, quod dici  
mus egregiumq; et frugi; disceremq; quid nam id esset, quod dum  
agunt, digni qui ita vocentur, existant; adire conuenireq; eorum ali  
quem animus mihi vehementer cupiebat. itaq; primum omnium quos  
nam egregio adiungitur frugi, quencunq; egregium inspexerā hunc  
adibam, atq; explorabam diligenter, num in eo frugi videretur ad  
iunctum egregio; neq; id tamen ita se habere comperiebam; sed ani  
maduertebam quosdam forma quidem, atq; habitu corporis egregios,  
animo autem valde flagitiosos. placuit ergo istos aspectu egregios  
omittere; atq; ad eorum quempiam adire, qui iuncto utroq; nomine  
egregiūq; et frugi appellantur. quum igitur audiuissem Iscomachum  
ab omnibus et viris et feminis, et peregrinis et ciuibus egregiumq;  
et frugi appellari solere, deliberaui hunc ipsum pro viribus et adire  
et colloqui. olim ergo illum in Iouis liberalis porticu sedentem  
conspicatus, quum ociosus mihi esse videretur, propius accedere de  
creui. itaq; illi assidens in hunc modū locutus sum. quid istuc est,  
ò Ischomache, quod qui non multum ociami consueueris, nunc ses  
dere animum induxeris? plurimum quippe te aut aliquid agentem  
videre soleo, aut non sanè admodum ociantem in foro. et Ischoma  
chus, ò Socrates, inquit, ne nunc quidem vidisses, nisi quosdam  
hic hospites expectare constituisssem. tum ego, per Deos quaso,  
inquam; quo tempore nihil istiusmodi agis, quibus in locis de gis,  
aut quid tandem moliris? auco enim ex te audire, quid nam id sit  
quod dum agis egregiusq; et frugi appellaris. neq; enim intus com  
moraris aut desides, vt arbitror; quando tui corporis habitus, nihil  
tale significat. et Ischomachus quum risisset me videlicet rogantem,  
quid nam id esset quod dum ageret, egregiusq; et frugi diceretur,

quumq; eo ipso delectari mihi visus esset; at ego, inquit, vtrum,  
 qui de me tecum loquuntur, me vocent hoc nomine, prorsus igno-  
 ro: neq; enim si quando me aut ad stipendium triremi soluendum,  
 aut ad sumptum choro suppeditandū arcessunt; tum quisq; me egre-  
 giumq; et frugi appellat; sed planè me patrio nomine Ischomachū  
 vocant. quod vero me rogasti, quid agam; scito me neutiq; intus  
 commorari: ad ea enim quæ mihi in domo sunt administranda sa-  
 tis superq; idonea est vxor. at qui istuc ipsum est, inq; quod ego  
 ex te, ò Ischomache, admodum libenter audirem: vtrum ipse ille  
 lām reddideris talem præceptis tuis, qualem esse oportet, an à patre  
 tibus acceperis probe doctam, et ea administrare scientē, quæ ipsi cō-  
 ueniant: et quo tandem pacto, inquit; ò Socrates, illam probe, vt  
 dicis edoctam acceperim: quæ nondum annos quindecim nata, ad  
 me ducta est: annos vero priores ita vixerat sub parentum custod-  
 dia, vt per exiguum quiddam intueretur; paucissima essent quæ au-  
 diret; longe vero pauciora sciscitaretur: an non tibi satis est, quod  
 vnum illud docta venerit: quemadmodum sumpta lana vestimen-  
 tum conficiat: ac præterea, vt lanificium, quod quidē munus ipsa  
 obseruauerit, ancillis distribuat: nam quæ ad ventrem gulamq; per-  
 tinent ea, inquit, bene admodum edocta ad nos venit; quod vnum  
 mihi et viro et mulieri omnium documentorum maximum esse vide-  
 tur. tum ego, cætera ne ergo, inq; ò Ischomache, ipse illam ita  
 docuisti, vt ad ea curanda, quæ oportet, idonea existeret: minime  
 sanè ita viuam, inquit, Ischomachus, nisi prius, et sacrificauerim, et  
 vota fecerim, vt res bene caderet vtriq; et mihi illam docētī, et illi  
 discētī quæcunq; amborum rationibus maxime conducerent. ergo,  
 inquam, et tecum sacrificauit vxor, et tecum eadem istæ vota fe-  
 cit: illa vero, inquit, Ischomachus, multis etiam verbis apud Deos  
 professa futuram se qualem oportet; et aperte quidem præseferbat,  
 vultuq; indicabat nō se neglecturā, quæ didicisset, per Deos quæso,

inquit ego, ò Ischomache, narra mihi primum illud, quod docere illam  
cœpisti. Ego enim te narrantem mihi talia libentius audiuerim, quàm  
si mihi, aut gymnicum, aut equestre certamen, et illud quidem pul-  
cherrimum, referres. ad hæc Ischomachus in hunc modum respons-  
dit. quid istuc autem, inquit, ò Socrates? nempe ubi mihi iam et  
tractabilior et mansuetior esse cœpit, adeo ut familiarius eam allo-  
qui possem, tum illam his verbis rogavi: dic mihi inquit, ò mulier:  
etiam ne intelligis cuius rei gratia vel ego te acceperim, vel tui te  
mihi parentes tradiderint? quod enim non deessent quibus cum nos  
ætæ cubaremus, ne te quidem vlllo modo ignorare arbitror. sed enim  
quum et ego pro me ipso, et tui pro te parentes cogitaremus, quæ  
nam socium maxime frugi, et familiæ, et liberorum nobis ipsis adsci-  
sceremus, tum et ego te, et tui parentes me, quantum suspicari licet,  
delegerunt. ceterum liberos quidem; si quando nobis Deus dabit,  
tunc primum inter nos commentabimur, qua ratione illos optime in-  
structos habeamus. si quidem utriusque nostrum commune hoc bonum fue-  
turum est, ut quam optimos, tum periculoꝝ socios, tum senectus  
tis adiutores nobis ipsis comparemus. res autem hæc familiaris iam  
nunc communis nobis facta est: nam et ego omnia, quæcunque mihi  
sunt, et tu tua, quæcunque huc attulisti in commune cõtulimus: neque  
illud magni facere oportet, quis nostrum numero plura contulerit:  
sed illud quam certissime exploratum habere; uterque nostrum me-  
lius in hac societate se gesserit, eum et plura et meliora contulisse.  
ad hæc omnia mihi; ò Socrates, mulier respondit. et qua tandem  
in re, inquit, ego tibi sim utilis? aut quæ mea hic sunt partes?  
enim uero in te omnia consistunt. meum autem munus esse à matre  
olim edocta sum, pudicitiam modestiamque seruare. recte sanè, inquit  
ego ò mulier. nam idem ego quoque a patre. sed tam viri cupientis ser-  
uare modestiam interest, quam fœminæ, ita rem gerere, ut bona quæ  
nunc adsunt, quæ optima reddantur, et alia quæ non adsint, ex ho-  
nesta,

nesta, iustaq; ratione illis addantur. et quid quæso vides, inquit  
 illa, quod ego si faciam, rem familiarem augere tecum possim? Nis  
 mirum, inquam ego, quacūq; et Dii te posse dixerint; et iura ipsa  
 cōmendant, ea da operam, vt quā optime geras. et quæ tandem  
 ista sunt? inquit illa. puto ego quidem, inq; hæc esse, quæ neutiq;  
 minimo pretio aestimanda sint, nisi forte etiam apud apes ea, quæ est  
 princeps examinis, rebus minimi momenti præfecta est. mihi enim,  
 o mulier, inq; vel Dii ipsi videntur admodum consyderate in pris  
 mis hoc iugum comparasse, quod maris ac fœminæ dicitur, vt ipsū  
 etiam sibi vtilissimum foret in hac vitæ societate. nam primum oms  
 nium, ne animalū genus deficeret, vt hoc iugo inter se copularentur ad  
 sobolem propagandam, institutū esse videtur. deinde vt homines habes  
 rent, qui ipsos in senectute nutrent. præterea licet victus hominibus  
 non, vt iumentis, sit sub Dio, sed ipsis planè aliquo tecto sit opus:  
 at eosdem tamen habituros quid sub tectum comportarent, habere alios  
 oportuit, qui, quæ sub Dio opera facienda erant, tractarent. aratio  
 quippe, et sementis, et consitio, et pastio, aliq; eiusdem generis vni  
 uersa, non alia, q̃ sub Dio, exigunt loca. at enim ex ijs ipsis, quacūq;  
 ad victum pertinent omnia omnino parari solita sunt. rursus autem vbi  
 in clausum aliquem locum hæc comportata fuerint, tum et eo, qui illa  
 ipsa conseruet, est opus, et eo qui tractet atq; exerceat quacūq; opera  
 clauso ac tecto, dum fiunt, indigentia sunt: tecto autē indiget ipsa libe  
 rorum à teneris educatio. indigent etiam quæ ad alendam vitam ne  
 cessaria ex frugibus conficiuntur; vt panis, aliq; generis eiusdem. nec  
 diuersa est ratio vestimentorum, quæ ex lana texuntur: tecto enim si  
 militer indiget. quum autem horum munerum vtrunq; curæ ac diligen  
 tia maxime indigeat, et quod intus inq;, et quod foris geritur, natu  
 ram quoq; mulieris, vt ego quidem arbitror, ab initio comparauit  
 Deus ad ea quæ tractantur, curanturq; intus; magis idoneam. nam  
 ad frigora quidem, et calores, et itinera, et labores militares, et alia



eiusdem generis toleranda, et corpus et animum viri magis idoneum comparauit. quare illum etiam ijs, quæ foris gerenda, tractandaq; essent, maxime præfecit. mulieri autem quum minus robustum corpus fabricasset Deus, eius curæ, vt mihi quidem videtur, ea quæ intus erant gerenda, cōmisit. qui etiam vbi vidit se mulieri, et ingenuisse et imperasse infantium liberorum educationem, eidem tribuit, vt teneros illos vehementius diligeret, q̃ vir. et quoniā vt seruaret, quæ in ædes comportata erāt, mulieri imperauerat, videns Deus timorem animi ad conseruandum non futurum inutilem, maiorem timoris partem mulieri assignauit, q̃ viro. item videns si quis ei vim afferret, qui quæ foris gerenda essent, curaret, futurum vt is opis atq; auxiliij indigeret, huic rursus plus audaciæ largitus est. et quoniam ambos et dare et accipere multas res oportebat, ambobus et memoriam et curandi diligentiam in medio proposuit, vsq; adeo, vt compertum ac distinctum planè habere non possis, vter sexus, virilis ne, an muliebris huiusce muneris maiorem consecutus sit partem. tametsi iisdem rursus virtutem, quæ possent animo vincere ea, quæ oportet, in medio posuit: atq; ijs ipsis tamen in rebus vtriq; concessit Deus, alterius s. perandi potestatem: vt videlicet uterq; eorum melius se gessisset, siue vir, siue mulier foret, is huiusce boni ampliorem ferret partem. quoniam vero ad omnia hæc non satis idonee natura vtriusq; comparata fuerat, idcirco etiam vterq; alterius ope indigere coactus est, vt eiusmodi iugum sibi ipsi vtilius euaderet; dum videlicet in quo alterum deficit, in eo alterū præsto esse non recusat. quum autem hæc, ô mulier, planè cognita habeamus, quæ vtriq; Deus imperauit; ea vtrunq; nostrum oportet conari pro viribus probè effecta reddere, quæ vtriq; conueniat. hæc porro eadem nobis etiam iura ipsa commendant; quippe quæ coniugio inter se componant virum et uxorem. nam quemadmodum eos Deus in societatem liberorum vocauit, ita et iura societatem inter eos esse voluerunt. et quæ pulchra, honestaq; esse, iura ipsa constituunt, eadem ab utroq; magis

præstari posse etiam Deus ipse decreuit. nam mulieri quidem manere  
 intus honestius, quàm pro foribus sedere: viro autem contra, manere in-  
 tus est turpius, quam ea curare, quæ gerenda sint foris. quod si quis  
 præter quod Deus iussit, quidpius agit, fortasse, dum ita ordinem suum  
 deserit, Deos ipsos non latet. quin etiam sapius, dum ea negligit, quæ  
 sui muneris sunt, aut ea curat et gerit, quæ ad mulierem potius spectant,  
 meritum supplicium soluit. videtur autem mihi, inquit, etiam apibus ea,  
 quæ reliquis apibus præest, istiusmodi à Deo instituta atque imperata mu-  
 nera obire. et quæ tandem, inquit illa, munera obit dux apum, ijs sin-  
 milia, quæ me quoque administrare, curareque oporteat? nempe, inquit ego,  
 quod dum illa intra suum alueare se continet, reliquas apes non per-  
 mittit ocio torpescere: sed quæ foris gerendarum rerum onus sustinent,  
 eas ad opus emittit. et quicquid singulæ domum comportant, id ipsa  
 et nouit; et allatum accipit: vniuersumque conseruat, quoad vtendi tem-  
 pus adueniat. vbi autem eiusmodi aduenit tempus, quo ijs, quæ par-  
 conseruatque fuerint, vti oporteat, tum vnicuique distribuit, quod sibi ius-  
 tum esse videatur. cæteris etiam intus conficiendis præest, vt quæ  
 admodum oportet bene ac mature conficiantur: et eorum quæ nata sunt  
 curam ipsa sustinet, vt sedulo nutriantur. vbi autem illa creuerunt,  
 ad idque perueniunt et roboris et ætatis, vt iam ad opus faciendum  
 idonea sint, tum ea quasi in colonias emittit, vt suum ipsa quoque duc-  
 cem sequentia, alio se conferat habitatum. num quid ergo me, inquit  
 mulier, ista item facere oportebit? Oportebit vero, inquit ego, te et in-  
 tus manere, et quorum seruorum sit munus foris aliquid gerere, eos ad  
 suum quæque opus emittere: quos vero aliquid intus tractare oporteat,  
 ijs velut magistrum præesse: præterea accipere quæ domum allata fue-  
 rint. si quæ vero eorum in sumptum erogare opus erit, ea tibi erunt  
 distribuenda: sin aliqua erunt, quæ supersint, tibi providendum, cas-  
 uendumque erit; ne qui sumptus in annum sit destinatus, is tibi in men-  
 sem vnum impendatur. vbi autem ad te lana allata fuerit, tum tibi cura

randum erit, vt ijs qui indigeant, vestimenta conficiantur. Curabis  
item, vt qui exaruerit panis, is id vescendum aptus reddatur. Cæterum  
quum multa sint, quæ te curare oporteat, vnam omnium fortasse iua-  
cundissimum, gratissimumq; fuerit, vt quicumq; ex familia in agitudine  
nem morbum ue inciderit, ei q̃ diligentissime quæcūq; ad curandum,  
et sanandum necessaria putantur, præsto sint. id scilicet, inquit mi-  
lier. gratissimum enim sit necesse est, si quidem ij gratiam habituri  
sunt, beneuolentioresq; futuri, q̃ ante, quibus hæc curationis sedulitas  
impensa sit. et ego, inquit Ischomachus, illius responsionem admi-  
ratus, animoq; complexus, nonne ergo, inq̃, o mulier, propter istius  
modi curationes, quas illa suscipere consuevit, quæ in alucrii dux est,  
apes erga illam ita animatæ sunt, vt si quando illa defecerit, nulla  
apum reliquarum deferendam ducem existimet, sed omnes illam sequan-  
tur? tum mulier mihi in hunc modum respondit. miror, inquit, si non  
omnia quæ ad ducem spectant munera, tui potius sint iuris, q̃ mei: mea  
enim custodia, meaq; distributio vel risu, vt ego quidē arbitror, digna  
fuerit, nisi tu præsto sis et cures, vt in ades multa extrinsecus vndiq;  
comportentur. risu rursus digna sit, inq̃ ego, omni mea domum con-  
ferendi cura, nisi quispiam sit, qui ea, quæ domū contulerim, conseruet.  
an non cernis, inq̃, vt miseratione quadam digni putentur, qui cribro  
baurire aquam dicuntur, propterea quod omnis illorum labor sit inanis?  
istuc vero, inquit mulier: etenim re vera miserabiles sunt, sit quitale  
quidpiam agunt. et ego, alias, inq̃, curas; quæ ad te vnam perlinent,  
o mulier, etiam iucunditatem tibi allaturas video; vt si quando impea-  
ritam lanæ tractandæ quampiam domi tuæ offenderis, eam eius artificij  
peritam reddas, ac duplo deinde maiore pretio dignam penes te habeas.  
Itē si forte eam, quæ neq; dispensandi, neq; ministrandi vsum calleat,  
in familiam assumpseris, peritam fidelemq; ministrā reddens ipsa, omni  
posthac pretio atq; æstimatione chariorem possideas. Item quoties, qui  
tibi et probi et utiles multumq; iuuantes familiam visi fuerint, eos tibi



licere præmijs afficere intelliges; et rursus, quos prauos ac nequâ offenderit, eos à te puniri posse animaduertes. Illud autem omnium iucundissimum tibi accidet, si meliorem præstantioremq; quâ ego sum, te ipsam præstiteris, meq; tibi quasi tuum administrum reddideris. neq; tibi posthac sit timendum, ubi atate longius prouecta fueris, domi tuæ abiectioni habearis; sed certum habeas, si quando maturior tibi ætas contigerit, quanto et mihi consors optabilior, et communibus liberis rei familiaris custos præstantior exiteris, tanto te honoratior rem domi tuæ futuram. quæ enim egregiaq; et frugi ab hominibus appellantur, ea non ætatis maturitate aut specie, sed animi virtute atq; præstantia, qua vita hominum iuuetur, incrementum accipiunt. Hæc mihi tenere memoria videor, ô Socrates, quibus ego tum primum illam allocutus sum. Tum ego, num animaduertisti, inq; , ô Ischomache, illam ex ijs verbis ad sedulitatem ac diligentiam alacriorem effectam? illam vero maxime, inquit Ischomachus. etiam tacite morderi illam sentiebam, valdeq; erubescere, si mihi eorum, quæ in ædes lata fuissent, aliquid nequiret postulanti depromere. proinde quum merentem illam ego vidissem, noli quæso, inq; , ô mulier, propterea agro animo esse, quod quidquid à te postulem, mihi præstare non possis. est quidem ea paupertas certissima, quum quisque piæ quo indiget, eo uti nescit: sed indigentia illa, qua quispiam id inuenire, non potest quod quærit, longe molestior, quàm si quod planè sciat non esse, id ne ab initio quidem quærat. sed enim, ego inq; , tua ista culpa non est, sed mea, qui quæ tibi conseruanda tradidi, non certum ijs adhibui ordinem, ut scires, quis cuiq; rei conueniens locus, ubi videlicet singula reponere, item unde accipere oportet. porro autem nihil est, ô mulier, tam utile, tamq; honestum hominibus, quàm ordo. nã et chorus ex hominibus constat: verum si quod singulis fors ferat, id singuli agant, perturbatio quadam existat, resq; admodum iniucunda spectatur: at si certo ordine agant,

pariterq; sonos vniuersi fundant, ydem illi et spectatu iucundissimi, et auditu suauissimi sentientur. etiam exercitus si nullo ordine feratur, perturbatissimum quiddam apparebit, et hostibus quidem capto perquā facile, amicis autem admodum indecorum visu atq; inuotile. iumentum pariter incedens, et scutatus pedes, et calo; et cum milite leuis armaturæ eques, et cū equite plaustrum. quo enim modo pergant, qui sic sibi ipsis impedimento sint, gradiens currenti, currenti stanti, plaustrum equiti, iumentum plastro, calo pediti scutato? quod si etiam pugnandi necessitas veniat, quo nam modo ij, qui tanta confusione teneantur, pugnaturi sint? quibus enim fugere inuadentes, atq; instantes necesse sit, ab ijs fugientibus facile fieri potest, vt conculcentur, qui arma ferant. at exercitus, cui adhibitus sit certus ordo, amicis quidem res visu pulcherrima, inimicis autem atq; hostibus molestissima. quisenim amicorum non iucunde contempletur magnū scutatorum peditum numerum ordine certo incedentem? quis vero non admiretur equites, qui seruantes ordinem, equis inuehantur? quis autem inimicorum atq; hostium non horreat, videns planē distinctos, pedites, equites, peltis armatos, sagittarios, funditores, et omnes suum quēq; ordinatim sequentes ducem? quinetiam eorum, qui certo ordine incedunt, quamuis multa millia ferantur, omnes tamen non secus incedunt silentio, ac si illorum ipsorum vnusquisq; seorsum incederet. In id enim semper quod vacuum relinquitur à prioribus, à tergo posteriores succedunt. et trremis prætere a honesta refertaq; hominibus, quā aliam ob causam, vel hostibus terrori, vel amicis voluptati est ad inuendum, nisi quod fertur celeriter? et quid nam est aliud, quod efficiat, vt qui eadem naui ferantur sibi inter se impedimento non sint, nisi quod semper certum ordinem seruant, dum sedent, dum propendunt remigantes, dum relabuntur, dum in nauim conscendunt, dum descendunt de naui. id autem, quod est procul ab ordine, mihi simile videtur esse, vt si agricola in eundem acruum congerat ordeum, tri-

ticum, legumen; deinde si quando sit opus, aut pulte, aut pane, aut obsonio, secernere singula cogatur, quoniam facile sumpturus unumquodque fuerit, si distincta collocasset. Ceterum tu, o mulier, istiusmodi confusions ne unquam cupida sis: sed da operam, ut certum scias ac teneas quare ratione, quare adsint, singula disponas et colloques. tum ex iisdem facile sumere possis, si quo vii sit opus, et mihi si quid postules, afferre cum gratia. proinde sedem exploremus, quare conueniens singulis, atque apta sit; et quum ibi posuerimus, tum ipsam ministram moneamus, ut et indeumat, et ibidem reponat. itaque certum scire poterimus, et quare salua sint, et quare minime. hæc enim sedes si quid deerit, id ipsum desiderabit: si quid vero erit, quod curatione aliqua indigeat, aspectu vestigabitur: et ipsa cognitio locorum, in quibus singula reposita erunt, cito subministrabit, ut ne, quum utendum re aliqua sit, tum eam cum magna molestia querere cogamur. pulcherrimum autem quondam, at ad vnguem elaboratum ordinem suppellectilium atque vasorum mihi videre visus sum, o Socrates, quum in magnū quoddam nauigium Phœnicium spectandi gratia conscendissem. plurima enim suppellectilia intra receptaculum valde exiguum distincte collocata animaduerti. multis quippe, inquit, et ligneis videlicet, et intextis instrumentis, naus et impelli, et retro agi solet, multis item alijs, quare pensilia vocant, quum in mari est, fertur, et multis machinationibus aduersus inimica nauigia munitur; multa etiam arma una cum ipsis hominibus vehit; omnia præterea vasa, quibus utuntur homines, quoties vesendi gratia conueniunt, fert. in primis autem referta est sarsinis, quas cum ipse naus dominus vehit lucris gratia. et hæc omnia quare dico, non multo maiore spatio continebantur, quam fuerit lectos decem iusta dimensione complexa cœnatio. singula autem ita disposita obseruaui, ut neque sibi essent ipsa impedimento, neque exploratore ad ea inuenienda esset opus. nec vero illa erant incôposita, nec si dissolui oportuisset, propterea quod aliquis aliquo eorum uti confestim cogeretur, dissola

uenti aut negotium exhibuissent, aut moram. ipsum autem gubernatoris ministrum, qui proreta navis vocatur, vsq; adeo singulorum locorum peritum inueni, vt etiam absens et situm singulorum, et numerum omnium commemoraret, non minus facile, q̃ litteratus quispiam dixerit in Socratis nomine, et qui numerus litterarum, et quem singula loca cum teneant. porro hunc ipsum, inquit, vidi etiam per ocium omnia explorantem, quibuscunq; in naui vti plerunq; est opus. et quum inspectionem illam mirarer, hominem rogaui quid ageret. tum ille, Inspicio, inquit, ò hospes, num ea quæ in naui sunt, si quid forte accidat, sũt teneant locũ, vtrum ne aliquid absistat longius, an ita congestum sit, vt non sine difficultate possit explicari. non enim, inquit, quũ Deus tempestatem in mari ciet, tum fas est aut diu quarere, si cuius indigeas, aut porrigere, quod difficulter loco possit moueri; tunc enim misnitatur Deus, et castigat ignauos: quod si etiam eos, qui non peccauerint, haud perdat, satis superq; sit. si vero eos, qui egregie quod ad se attinet, præstiterint, conseruet, vel plurima, inquit, gratia. Ego igitur hanc instructa suppellectilis exquisitam diligentia cõspicatus, dixi vxori: magna quidem, ò mulier, inertia, quod ad nos attinet, condemnandi sumus, si qui in nauigijs degunt, et illis quidem paruis, colloccatarum à se rerum sedes inueniunt, et vehementer fluctuantes, ordinem tamen conseruant, et licet in summo timore constituti, tamen id repa-riunt, quod de multis vnum sumere oporteat: nos autem qui cellas ingentes distinctas, rebusq; singulis assignatas in ædibus habemus, et ipsam domum stabilem atq; in inmobili solo fundatam, non rebus singulis et perpulchrũ et admodũ cõuenientem atq; aptam sedem inueniamus. qui enim id non magnæ insipientiæ nostræ ac stultitiæ fuerittribuendum? Caterum vt nobis quidem sit bono, omnem domesticam suppellectilem certo ordine collocare, vtq; facile inuenire quo pacto singulis rebus sedem in ædibus accommodatam habeamus, dictum iam abunde est. quàm vero idem sit pulchrũ, facile appareat, si quando vel calciamenta ordi-

dine collocata cernantur, qualiacūq; ea sint. pulchrum quippe ac iucundum est vestimenta, qualiacūq; sint, distinctis sedibus posita inueneri. pulchrum item stragulam omnem vestem. pulchrum, quæ ab hena vocantur. pulchrum, quæ ad mensæ pertinent apparatus. pulchrum etiam id quod omnium maxime irriserit, non gravitate quidem præditus quispiam, sed is qui se bellum ac facetum dici velit. is enim non sine risu, numerosum item quiddam ac concinnum dixerit reddi, si etiam omnia distinctis locis posita esse uideantur. iam ex hoc autem quæcūq; alia cum ornatu apteq; disposita fuerint, pulchriora existent. omnia enim hæc, si singula considerentur, chori cuiusdam speciem, qui ex suppellectilibus constet, præ se ferre videbuntur. quinetiam quod inter hæc ipsa spaciū uacat, pulchrum uideri solet; quum ita singula suis locis teneantur, ut nulli sint impedimento: veluti chorus is qui cyclius appellatur, non ipse modo pulchrum quoddam spectaculum præbet, sed spatium quoq; intermedium quod purum vacuumq; relinquitur, pulchram admodum speciem offeret intuenti. utrum autem vera ego dicam, o mulier, experimento discere haud difficile est, non modo damni nihil facientibus, sed ne valde quidem laborantibus. ac ne ea quidem re conturbari nos oportet, quod is, cui et discere loca, et quæ didicerit, meminisse necesse sit, cū difficultate singula et inuenire et distinguere soleat. iam enim scire nos decet, quocūq; ipsi possidemus, etiam si decies millies multiplicentur, iis tamen plura ciuitatem continere vniuersam. attamen nemo est seruorum, qui si iucetur è foro emptum quidpiam offerre, non sit illico facturus quod iusseris. omnes enim tali tempore videbuntur scire, quo sit pergenandum, ut inde singula possint accipere. atqui huius quidem rei, in præteritum ego, aliam puto nullam esse causam, nisi quod omnia certis præfinitisq; locis exposita habeantur. at enim sæpe numero qui hominem quatit, et eum interdum qui vicissim quærentem hunc alterum quatit, ante fatigatur ac desistit, quæ reperiatur, cuius quidē difficultatis ego rursus nullam



71  
esse aliam arbitror causam, nisi quod praeiudicium nunc sit, ubi singulos  
expectare oporteat. talia igitur de ordine ac usu suppellectilium mihi  
memoria tenere videor me illi exposuisse. Tum ego, Eequid, inquit, tibi  
visa est mulier, o Ischomache, ea qua tanto studio illam docebas per-  
cipere? quam porro libenter obtemperatura? eequid rogas? illa vero  
pollicita est omnia se omni diligentia curaturam. et plane vultu ipso  
ac gestu indicabat se vehementi letitia affectam, quod quasi post ino-  
piam ac difficultatem, nata esset magnam et copiam et facilitatem. et  
rogabat me, ut quam celerrime ordinem sibi quem dixeram traderem. Et qua  
tandem ratione, inquit, ego, o Ischomache, istum tu illi ordinem tra-  
didisti? qua alia, nisi mihi primum placuisse, ut facultatem illi et  
copiam domus ostenderem? non enim mihi varijs aut coloribus aut  
picturis ornata est, o Socrates. sed cellae aliaeque partes ita construc-  
tae sunt, ut huius ipsius rei ratio habita sit, quemadmodum receptas-  
cula et vasa his rebus accommodatissima locari possint, quae in illis  
sint continendae, ut ad seipsa accire videantur, quae convenientia sin-  
gulis sint. cubiculum enim loco tutiore situm ea quae maximi pretij  
sint, et peristromata et vasa flagitare videbatur. at quae loca tecta,  
siccitate praedita erant, frumentum, frigidiora autem quae erant, vino  
num, apertiora autem, quidquid operum aut vasorum lucis indigens est.  
idem ostendi etiam loca instructa et ornata quae sumptuosis cibum hos-  
minibus dicata essent, aestate quidem opaca et frigentia, hyeme autem,  
aprica, et tepentia. universam porro domum eidem notam esse vos  
lui, ut inspiceret quemadmodum ea uergeret, porrigereturque ad me-  
ridiem, ut plane appareret, hyeme quidem apricam fore, aestate vero  
umbrosam atque opacam. ostendi etiam conclavis eius, quod solis fa-  
minis dicatum esset, ianuam, ut ab eo quod solis viris assignatum  
separaretur intercedente balneo, ne quid eorum quae non oportet, fo-  
ras exportaretur, ne uel mancipia praeter voluntatem nostram filios  
gignerent. nam qui ex seruis frugi sunt, hi si filios creent, sapientius



beneuolentiores, qui uero uitiosi et nequam, si coniuges fiant, prop-  
 ensiores magisque idonei ad malitiam et fraudem existunt. ubi autem  
 hac transigimus, inquit, tum etiam generatim suppellectilem omnem se-  
 cernere placuit, primaque ea secreuimus quibus ad res diuinas uti so-  
 lemus. deinde mundum muliebrem, qui ad dies festos pertineret.  
 vestem item uirilem, tum qua festis diebus, tum qua in bello sit  
 utendum. et stragula in utroque conclauis, tum eo quod faminis,  
 tum eo quod uiris dicatum. calciamenta et muliebria, et uirilia. ara-  
 morum alius ordo. deinde instrumentorum plures ordines, ad lanam  
 tractandam, ad panem conficiendum, ad obsonia, ad lauationes, ad  
 farinam subigendam, ad mensas. hac quippe omnia separatim con-  
 gessimus, tum ea quibus semper sit utendum, tum quibus in conui-  
 uio atque epulis duntaxat. seorsum etiam quae in singulos menses im-  
 pendenda essent posuimus, et seorsum quae in annum destinata. nam  
 sic minus fallit qui exitus futurus sit. postquam omnia generatim su-  
 pellectilia distinximus, tum in sedes singulis destinatas singula dis-  
 tribuimus. deinde quibus quidem uasis et instrumentis utuntur fa-  
 mili singulis diebus, ut ad panem conficiendum, ut ad obsonia, ut  
 ad lanam, et si quid est aliud eiusmodi, ea illis tradidimus, qui ipsi  
 essent usuri, hisdem indicantes ubi reponere eadem oporteret, saluaque  
 referre, quae acciperent praecipimus. quibus autem aut ad dies festos,  
 aut ad hospites domi accipiendos, aut ad eas actiones, quae longo in-  
 teruallo repetuntur, est opus, ea uero ancillae penuariae assignauimus.  
 et ubi sedes singulorum ostendimus, numerauimusque et inscripsimus  
 singula, tum eidem praecipimus, ut cuius quispiam indigeret, id uis-  
 cuique depromeret: memoriaque commendaret cuinam quid dedisset, ut  
 postea idem recipiens, illic rursus reponeret, unde ipsa unumquodque  
 sustulisset. ex ancillis autem eam huic ministerio praefecimus, quae  
 nobis uisa est earum rerum, quae ad ventrem, quae ad uinum, quae  
 ad somnum, quae ad consuetudinem cum uiris pertinent, minime apo-

petens. item quæ et meminisse et providere maxime posset: ne, si præceptorum negligentior foret, aliquid infortunij à nobis ferret. etiam quæ curaret ut nobis aliqua in re gratificans, iusto præmio atq; honore afficeretur. eandem docuimus charitatem, benevolentiamq; erga nos servare: dum, si quid læti nobis contingit, læticias cum illa nostras communicamus, si quid verò adversi, eandem ad hoc ipsum aduocamus. docuimus præterea quæadmodum prompto animo ipsam esse oporteret ad augendam nobiscum rem familiarem, inspectionem illi rerum cognitionemq; tradentes, nostramq; cū illa in agendo fœlicitatem communicantes. iustitiam quoq; in illius animo ingenerauimus, dum iustis plus honoris deferimus quàm iniustis, dumq; eandem ostendimus locupletius liberaliusq; viuere, quàm iniustos. ipsam vero in illa ipsa ædium parte collocauimus. postremo, inquit, vxorem ipsam ô Socrates, monui: nihil profuturum, quidquid eo modo provideamus, nisi ipsa quoq; suam curam impenderet, quemadmodum singulis rebus suus locus suusq; ordo seruaretur: eandemq; docui cui ne in bene quidem institutis ciuitatibus satis videri ciuibus solere, si bonas duntaxat leges descripserint. sed eosdem ipsorum etiã legum præfides eligere et creare, qui obseruent, quisnã e ciuibus aut conuenientia legibus, aut aduersa faciat, ut priorem illum laudibus prosequantur, hunc verò alterum debitis pœnis afficiant. vxorẽ ergo, inquit, iussi, ut se item domesticarum rerum custodem ac præsidem esse existimaret. scrutareturq; quoties ipsi videretur suppellectilia vasq; omnia, quemadmodum solet præsidij præfectus explorare custodias: et inspicere diligenter, num singula suum statum seruarent, quopactò senatus equos atq; equites inspicere consuevit, num vitij aliquid fecerint. et reginæ cuiuspiam instar si quem dignum nacta esset laude honoreq; pro viribus et facultate præsentì afficeret. contra vero obiurgaret ac puniret, si quem minus præstantem ea, quæ oportet. docui præterea illam, inquit, non iuste facturam, si grauius ferret quod

ipsi plura quæ ageret in rebus nostris imperarem, quæ seruis. ostendi  
 enim seruos tantisper domini rerum ac pecuniarum fieri participes,  
 dum eas aut ferant, aut iuuent, aut custodiant. vti vero quapiam eas  
 rum neutiquam eis licere, nisi si cui ipse herus concesserit. ipsius autem  
 domini esse vniuersa, vnumque eum singulis vti ad arbitrium suum.  
 ad quem igitur ex ipsis rebus si conferuentur, maxima vtilitas, si  
 perdantur, maximum damnum sit venturum, ad hunc maxime curam  
 earum pertinere, demonstraui. Quid igitur, inquit ego, ô Ischomache?  
 quam ista audiuiſſet mulier, quam tibi dicto audiens visa est esse?  
 quam audiens fuerit rogas? inquit. illa vero ô Socrates, mihi res  
 spondit, non recte sanè me decernere aut iudicare, si putarem me  
 sibi, aut molestis, aut difficilia imperasse; dum ipsam doceo curare  
 res nostras. cõtra enim si negligere ipsam imperassem res suas, futu-  
 rum sibi, inquit, molestius, quæ, quod modo oporteat se domesticæ  
 bonæ curare. nam quemadmodum natura, inquit, est comparatum, vt  
 quæ sana prudensque sit, ea filios suos curet potius quam negligat,  
 ita eidem suauius ac iucundius fore putandum est, curare eas res  
 quæ cum voluptate possideantur, et quæ ad se ipsam pertineant, quæ  
 negligere. et ego quum audiuiſſem, inquit, tum Socrates vxor  
 rem illi talia respondiſſe, iuro, inquit per Iunonem, ô Ischomache,  
 te mihi virilem mulieris animum narrare. at qui, inquit Ischomachus,  
 aliud tibi gestum narrare volo, quod illius magnitudinem animi  
 mi planissime indicet: quodque semel auditum illa illico arripuit, mihi  
 huius imperanti paruit. quod nam istud est? inquit ego. dic quæso ô  
 Ischomache. ego enim multo libentius, multoque iucundius viuæ mu-  
 lieris virtutem te mihi narrare didicerim, quam si Zeuxis mihi pul-  
 cherrimam à se depictam mulierem contemplandam exhibeat. hic itaque  
 Ischomachus in hunc modum locutus est: ego, inquit, olim quum  
 vidissem illam, ô Socrates, multa cerussa illitam, vt candidior in-  
 super, quæ erat, videretur, multoque item anchusæ rubore perfusam, vt cos

loratior quàm erat re uera, putaretur, et calciamentis fultam celsioribus,  
ut procerior haberetur, quam natura ipsam creasset, dic mihi inquit, ô mu-  
lier, utrum me honorum consortem amabiliorem censeret, si tibi ea  
duntaxat bona ostenderem, quæ re uera mihi essent, neque plura me ha-  
bere iactarem, quam quæ sine omni mendacio possiderem, nec item  
quidquid omnino te celarem eorum, quæ mea propria essent, an si conas-  
rer te decipere, affirmaremque mihi plura esse, quam veritas pateres-  
tur, adulterinumque argentum ostenderem pro uero. moniliaque etiam tibi  
ostentarem lignea quidem, sed quæ aurum tenuissimum occultaret, puro  
pureasque uestes inanes, ueras esse contenderem? tum statim respondens  
illa, Dii meliora, inquit, nullo tu unquam tempore objecto talis existas,  
neque enim ego te unquam si talis esses, amplecti aut diligere ex animo  
possem. at qui, inquam ego ea puto. de causa ambo convenimus, ut  
etiam corpora nobiscum inter nos communicaremus. istud quidem  
homines aiunt, inquit illa, tum ego, utrum igitur, inquit, tibi ama-  
bilior rursus corporis socius videretur, si præstare tibi meum corpus  
omni cura studerem, et bene valens et robustum, ac propterea etiã  
bono re vera colore præditum, an si minio pictus oculisque purpur-  
risso delibutus, et me ipsum exhiberem, et cum fraude tecum con-  
suescerem, præbens scilicet minium tibi pro meo colore proque mea  
superficie corporis et videndum et tangendum? Ego quidem, in-  
quit illa, neque minium attingerem libentius, quam te ipsum, nec fictum  
vllum colorem suavius intuerer, quam tuum, neque oculos tuos iucunde  
dius contemplerer delibutos, quam suapte natura valentes atque intes-  
tros. Et me igitur existimato, inquit, ô mulier, neque cerussæ colore,  
neque anchusæ gaudere libentius, quam tuo: sed quemadmodum Dii  
fecerunt, ut equis quidem equi, bubus autem boues; et pecudibus  
pecudes suauissimæ sentirentur, ita et homines hominis corpus in-  
cundissimum esse arbitrari. fallaciæ autem istiusmodi eos quidem,  
qui foris versantur, ita forsitan possunt decipere, ut ab his non dea-

prehendantur. eos autem qui vnà esse assidue consueuerunt, deprehendi necesse est quoties se ipsi inter se decipere aggrediantur. aut enim cubita surgentes, ante se comparentur, detegi solent; aut sudor eos redarguit; aut lachrymæ explorant, atque indicant; aut lauatio-  
 nes cuiusmodi sunt reuera inspiciendos exhibent. quid igitur quaeso, inquit ego, per Deos? quid tandem ad ista respondit? nihil sanè, inquit. nisi post hæc nihil tale vnquam molita est. sed puram se, atque, ut decet, simplicem studuit semper ostendere. verūtamen rogauit, me num se docere aliquid possem, quo ipsa vere pulchra videretur, non tantummodo putaretur. Ego vero illi, ô Socrates, suasi, ut ne semper mancipij cuiusdam instar sederet. Sed Dijs fauentibus be-  
 rili more, telæ assistens, quod alio melius sciret, ipsa alium doce-  
 ret, quod autem peius, id ab alio addisceret. inuiseret præ-  
 terea seruum pistorem. ancillæ penuariæ dimetiendi ac distribuendi assisteret. obiret, singula inspiciens, num quo loco oportet posita consistenterent. hæc enim duorum munerum utilitatem explebunt, et  
 ambulationis; inquit, et curationis domesticæ. vtile præterea exerci-  
 tationis genus esse dixi, et rigare et pinsere, et vestimenta ac pes-  
 ristromata excutere, componereque. dum autem sic exerceberis, inquit,  
 senties te, et iucundius edere, et valere robustius, et meliori colore præditam haberi re uera. ipsius præterea dominæ aspectus quæ minis-  
 trantis ancillæ sibi officium assumat, quum ipsa sit. et mundior et  
 decentius ornata, tum mouet magis, tum delectat, præsertim quum  
 illud accedat, ut ipsa non coacta deseruiat, sed libens ac sponte  
 gratificetur: quæ autem ut honoratiores grauioribusq; habeantur, tot  
 tot dies defident, hæc præbent se ipsas vnâ cum ijs adnumerandas, quæ  
 ornate et compe decipiunt. et nunc sanè, inquit, ô Socrates, vxorē  
 meam scito, ita comparasse se se atque ita viuere, quemadmodum et  
 ipsam tunc docui, et nunc tibi narraui. tum ego, ô Ischomache,  
 inquit hætenus mihi satis abunde videor, quæ nani matris familias



officia sint ex te audiuisse, et primum omnium de utroque vestrum  
quæ maximis digna sint laudibus. age igitur nunc item, inquit, quæ  
item tua sunt, mihi expone, ut et tu, dum narras ea quæ tibi laudem  
ac decus compararunt, lateris, et ego, dum eius viri, qui egregiusque et  
frugi dicitur, munera cumulatius addisco, magnas tibi pro viribus  
habeam gratias. et Ischomachus, scilicet, inquit, etiam magna cum  
voluptate tibi, ô Socrates, narrabo quod nam meum sit vitæ ge-  
nus, et quid in ea assidue faciam, ut etiam corrigas me, si quid tibi  
non, ut oportet, facere videbor, et ego, Qui mihi, inquit, istuc liceat,  
iuste eum virum corrigere, qui summum eius sit adeptus, quod dica-  
tur egregiumque et frugi? præsertim quum ego sum vir qui et nugari  
et acrem atque inane metiri existimer? et quod omnium stolidissimum  
mihi obijci videtur, pauper appeller? et vehementer sanè, ô Ischo-  
mache, in multo mixtore fuisset propter huiusmodi calumniam;  
nisi nuper, quum mihi equus Niciæ eius, cui advena cognomen, oba-  
riam factus esset, multos illum spectandi gratia consecretantes vidis-  
sem, nonnullorumque etiam multum de illo sermonem audiuissem. nam  
propius accedens, eius curatorem rogavi, num magnas haberet pecu-  
nias is equus? at ille intuens me, atque ex ipsa interrogatione non sa-  
tis sanum existimans, respondit: quid inquit, fieri potest, ut equus  
habeat pecunias? quod quidem ego quum illum sic dicentem audis-  
uissem, mihi respirare sum visus: quippe qui fas esse viderim etiam  
equum pauperem, bonum esse, si modo is bono excellentique ingenio  
sit præditus. quare tanquam mihi quoque liceat viro bono esse, ita tu iam  
tum mihi plenius narrato res tuas, et quæ in vita gerere solitus sis  
ut ego item, quodcumque audiens, videam me posse addiscere, à cra-  
stino die initium sumens, in eo te imitari aggrediar. est enim ita bo-  
nus is dies, inquit, ego, ut in eo initium virtutis faciendum esse vi-  
deatur. et Ischomachus, iocaris tu quidem, inquit, ô Socrates. ego  
tamen tibi narrabo, quæcumque pro viribus exercens, vitam omnem



meam conor transigere. etenim, quod mihi didicisse videor, Deos hominibus non permittere solere, ut fauste feliciterq; agant, nisi et nouerint ea quæ facere oportet, et eadem ut ad exitum perducantur atq; absoluantur, curauerint: eorum autem qui et prudentes et seduli sint, alijs quidem concedere, ut fortunati sint, alijs autem minime: propterea ego initium quidem à cultu Deorum sumere soleo. studeo autem et conor ita gerere meipsum, ut mihi precanti fas sit, et bonam valetudinem, et vires corporis, et honorem in patria, et beneuolentiam apud amicos consequi ac tueri, et diuitias honesta ratione augere. quod ubi ego illum dicentem audiui, tum curæ tibi, inq; est, ò Ischomache, qua ratione diteris? an non multam habens pecuniam, multa etiam molestia ex illius curatione affici soles? mihi vero, inquit Ischomachus, curæ sunt ea quæ rogas. res enim mihi admodum iucunda videtur, ò Socrates, et Deos magnifice venerari, et amicis, si qui ex ijs sint, qui indigeant, subuenire, et patriam, quod ad me attinet, pecunijs ornare. et ego: sanè, inq; ista quæ dicis, ò Ischomache, pulchra, honestaq; sunt, viriq; apprime potentis. quis enim id neget? nam multi quidem sunt homines, qui viuere nequeunt nisi alijs indigeant. alijs vero satis habent, si ea quæ ad viuendum necessaria sunt, possint sibi ipsis duntaxat sufficere. qui autem possunt rem familiarem suam non solum moderari, sed etiam augere, usq; adeo, ut et patriæ sint ornamento, et amicis auxilio, quando hos non et quosdam et bene ualentes viros putare oporteat: verumtamen ad laudandos quidem hos tales, inq; ego, plariq; idosnei sumus: tu autem, ò Ischomache, iam mihi vnde exorsus es, narrares velim, quomodo valetudinem cures: quo pacto vires corporis tue caris qui tibi sit fas ex bello incolumem tam pulchre euadere. nā de ratione pecuniaria, quum hæc primum absolueris, tum satis erit te dicere. atqui omnia hæc, inquit Ischomachus, ut ego quidem, ò Socrates, arbitror, sibi inter se connexa sunt, et coherent, nam ubi quis

tantū cibi habet, quod sumat, quantū satis est, tum ei recte fungenti  
labore, bona diutius valitudo constare posse videtur, qui autē labori  
se dedit, huic corporis vires magis augeſcunt. qui vero ea exercet ac  
trahit, quæ ad bellū pertinent, hunc ex bello est pulchrius, conuenien-  
tiusq; euadere, q̃ secus. at qui recte ac diligenter curat, neq; mollitē  
se frangi permittit, ab hoc probabilius est, rem familiārē augeri. tum  
ego hæcenus quidē satis tibi, o Ischomache, assertior, dum ais homi-  
nem labori deditū, et sedulo curantem ea quæ oportet, et exercentem  
se, facilius ea quæ bona sunt cōsequi. at enim quo laboris genere sit  
utendū ad bonā corporis habitudinem ac robur, et quo pacto ea, quæ  
ad bellū pertinent exerceas, quā uē ratione cures, ut opes facultatesq;  
augeas, vsq; adeo, ut et amicis auxilio sis, et potentiorē patriam tuam  
efficias, hæc libenter, inq; ego, te mihi narrantem audiuerim. Ischo-  
machus igitur, ego, inquit, o Socrates, tunc me ipsum ē lecto sur-  
gere assuefeci, quum adhuc intus sum deprahensurus si quem habeo,  
quo mihi conuento sit opus. quod si quid in vrbe mihi sit agendum,  
id ipsum agens ac trahens, ea vtor ambulatione. sin autem nihil ne-  
cesse sit quidq; in vrbe agere, tum puer equum mihi in agrum educ-  
cit. eaq; mihi est ambulatio ipsum iter in agrum, melius fortasse,  
quā si in xysto ambularem, o Socrates. vbi vero in agrum perue-  
ni, tum siue ibi offendam aliquos, qui mihi aliquid serant, siue qui  
terram proſcindant, siue qui sementem faciant, siue qui fruges fruc-  
tusue colligant, ea ipse cōsiderans, quemadmodum gerantur singula,  
corrigo, si quid forte habeo quod melius videatur. postea vero fre-  
quens mihi mos est in equum ascendere, eaq; vti equitatione pro vi-  
ribus, quæ illis equitationibus simillima sit, quibus plarunq; vti co-  
gitur in bello. non transuersum enim quidq;, non decliue, non fosi-  
sam, non rivum vitare soleo. quæ tamen dum facio, quantam interim  
maximam possum, operam do, ne mihi equus claudicans reddatur. sic  
mul ac vero hæc mihi perfectæ sunt, puer equū in harena uolutari pere-

mittit, deinde domum adducit, ferens interim ex agro in urbem si quid sit, quo nobis sit opus. ego autem ubi partim incessu partim cursu dormivim me contuli, tum strigili utor, et si quæ mihi sordes adhaeserunt, eas abstergo. deinde tantum prædij sumere soles, quantum me neque va-  
 leum cibo, neque admodum gratiam degere totum diem sinat, et ego iuro, inquit, o Ischomache, per lunonem, ista quæ facis mihi grata, iu-  
 cundaque vehementer accidere. nam quod eodem tempore simul coniungo  
 etiamque et ijs fungaris muneribus, quæ bonam ualitudinem viresque fa-  
 ciant, et ea exerceas, quæ ad bellum pertineant, et augendis præterea  
 opibus, facultatibusque operam des, omni mihi et studio amplexandum  
 et admiratione prosequendum videtur. si quidem te horum unumquodque  
 recte curare vel certissima nobis præbes argumenta, quando ualentem te  
 sapius ac robustum, Dijs fauentibus, intuemur: eundemque eorum nu-  
 mero haberi, qui et equitandi peritia, et diuitijs excellent, nouimus.  
 at ille, ego igitur, inquit, dum hæc facio, multas multorum et calum-  
 nias et inuidias sustineo. tu autem forsitan me dicturum putabas, a  
 multis me egregiumque et frugi appellari. quin ego te, inquit, o Ischo-  
 mache, rogaturus id fui, non etiam id cures aliquo modo, ut possis si  
 forte opus sit et alicui reddere, et ab aliquo accipere rationem. et ille,  
 an non tibi videor, inquit, o Socrates, ista ipsa quæ dicis assidue tra-  
 ctare? et meditari quidem, quo pacto meam causam tuear, dum nemi-  
 nem iniuria afficio, diuque pro utribus studeo iuuare per plurimos? qua  
 autem ratione accusarem meditari me non uides, dum et multos priu-  
 tim audio ac discio inferre iniuriam multis, et alios nonnullos ciui-  
 tati uniuersa? qui autem iuuat, neminem plane reperio? atqui utrum  
 etiam elocutionem, pronunciationemque talium rerum mediteris, o Ischo-  
 mache, inquam ego, ex te præterea audire cupio. et ille, nihil quid-  
 dem est, inquit, o Socrates, cuius ego dictionem meditari unquam desin-  
 am. nam alias ubi seruorum quempiam aut accusantem, ut sit, aut  
 defendentem audiui, tum redarguere studeo. alias aut cum amicis de

alicuius iniuria conqueror, aut apud eosdem quempiam laudo. Sæpe aliquos ex necessarijs concilio inter ipsos, conorq; interim illis ostendere, ut magis ipsis expediat amicos esse, quàm contra interdum alia quem ex ijs, qui imperium gerunt, dum unà cum eo adsumus, obiurgamus, uel aium quempiam defendimus, si quis iniuste in crimen uocetur. plerunq; accusamus inter nos, si quis sit qui iniusto honore afficiatur. sæpius etiã in deliberando, quæ quidem efficere cupimus, ea laudamus, quæ uero agere nolumus, ea uituperamus. iam uero, o Socrates, etiã certa formula sæpenumero sum accusatus, quæ distincte contineret, quid mihi aut patiendum esset, aut soluendum. à quo tandem, inquam ego, ô Ischomache? istud enim mihi adhuc ignotum fuit. ab uxore, inquit ille. et quomodo, inq; ego, praeliari? si quidem uera mihi dicere expediat, probe admodum: sin autem mentiri, ô Socrates, quæ causa peior est, eam ego scilicet neutiq; meliorem possum efficere. et ego; fortasse, inq; ô Ischomache, id quod falsum est, ut uerum sit facere non potes. Sed enim, inq; ego, forsitan detineo te, ô Ischomache, qui iam eras abiturus. non equidem ô Socrates, ille inquit. neq; enim abire ausim, nisi prius omnis è foro turba abierit. istuc scilicet dicis, inq; ego, cauere te uèhementer, ne cognomen amittas, quo uir, egregiusq; et frugi appellaris. nunc enim forsàn quamuis multa habeas, quæ tua cura indigeant, tamen quoniam hospitibus pollicitus es, illos ipsos expectas, ne mentitus esse videaris. sanè, inquit ille, ne ea quidem, quæ dicis, ô Socrates, parua mihi curæ sunt. habeo enim villicos in agris: atqui ô Ischomache, inq; ego, utrum, quum villico indiges, prius explorare solitus es, sicubi sit quispiam uir curandæ rei rusticæ peritus, deinde hunc talem emere conaris, quemadmodum etiã, quum fabro tibi opus est, prius scilicet exquiris ac discis, sicubi quempiam eius artis peritum offendas, tum illum pretio tuum facere studes, an uero procuratores, villicosq; tuos tibi ipse instituis? ipse scilicet,

ò Socrates villico mihi instituere atq; erudire consueui. etenim qui  
 me absente in meum locum substituitur, et vicarius mea diligentia  
 succedit, is eadem quæ ego scire debet. nam si ego sim idoneus quæ  
 rebus meis gerendis præsum, etiam alium profecto instituere possim  
 ac docere, quæcunq; ipse didicerim ac sciam. ergo primum oporteo  
 bit illum, inq; ego, tibi tuisq; omnibus esse beneuolum, si quidem in  
 tuum locum ipse præsens sit successurus. nam si absit beneuolentia  
 quæ tandem cuiusvis peritiæ aut scientiæ villici utilitas futura est?  
 nulla scilicet, inquit Ischomachus. Caterum ipse primum conor  
 beneuolentiam erga me et meos illum docere. et quo tandem pacto,  
 inq; ego, per Deos, beneuolentiam erga te ac tuos docere quæ-  
 riam? bene scilicet de illo merens, inquit Ischomachus, si quando  
 nobis Dij cuiuspiam boni copiam impertuerint. hoc nimirum dicis,  
 inq; ego, qui tuis fruuntur bonis, eos erga te beneuolos effici, be-  
 neq; de te mereri vicissim cupere? istuc sanè, ò Socrates, esse longe  
 optimum beneuolentiæ instrumentum animaduerto. quod si beneuo-  
 lentiam erga te, inquam ego, ille, quisquis sit, habeat, ò Ischoma-  
 che, tum ob vnā hanc rem idoneus sit, quem tibi procuratorem des-  
 ligas? an non vides quāuis omnes omnino, vt ita dixerim, homi-  
 nes sibi ipsis amici sint ac beneuolent, multos tamen esse, qui nihil cu-  
 rent qua ratione sibi ipsis ea comparent bona quæ volunt? at enim  
 si qui sunt istiusmodi, inquit tum Ischomachus, quos ego velim mihi  
 procuratores deligere, eos ego etiam quo pacto curent ea, quæ opor-  
 tet, docere soleo. et ego qui inq; istuc per Deos? ego enim quam  
 sedulus existat quispiam nulla prorsus ratione quempiam doceri ade-  
 huc posse arbitratus sum. nec longe sanè à vero aberrasti, ò So-  
 crates. non enim omnes vno ordine vt seduli sint ac diligentes do-  
 cere possis. et quos tandem possim, inq; ego? istos vtq; obsecro te,  
 mihi planius indica. tum ille, primum omnium, inquit, ò Socrates, qui  
 se vinci à vino permittunt, nec ab eo abstinere se possunt, eos tu



numq; sedulos diligentesue reddideris. ebrietas enim eorum omnium obliuionem inducere solet, quæ agenda sint. et ego, num igitur vni isti, inq; tales sunt, vt curam diligentiamq; doceri non possint, an et alij præter istos? sanè alij quoq; sunt, inquit Ischomachus. nam et somniculosi. ab eadem institutione abhorrent. neq; enim dum dormis. aut ipse facere, quæ oportet, aut alios qui faciant, præstare possis. quid igitur, inquam ego. soli ne isti rursus erunt, qui talem sedulitatem doceantur minime idonei, an et alij nonnulli istis adiungendi sunt? mihi vero, inquit ille, etiam ij qui amoribus distinentur, et veneris nimium cupidi sunt, minime idonei esse videntur qui aliã rem quampiam curare potius, q̃ vnã hanc assuefiant. nullam enim vnquam neq; spem neq; curam suauiore illis obijcias, quã amorum ac deliciarum suarum. neq; rursus, si quando ab aliquo eorum id omissum sit, quod fuit agendum; supplicium inuenire acerbius tibi facile sit, quã illi amoribus suis interdiceret. itidem igitur quoscũq; intellexerim tales esse; omittere soleo, ac ne conor quidem vnq; eorum quentiam alicui curationi præficere. ecquid autem, inquam ego? num si qui lucri amore teneantur, ij quoq; inepti sint ad ea, quæ per continent ad agrum discenda? minime sanè, inquit Ischomachus, minime vero. quin contra potius, hi maxime quos alia curare assuefacias idonei. satis enim est hoc vnum illis ostendere, sedulitatem et curam maxime vtilem esse, lucroq; conducere. reliquos vero, inq; ego, qui ab ijs rebus, quas præcipis, abstinere possint, et præterea ad lucrum apposite ac temperate se habeant, quomodo instituere soles, vt tam seduli ac diligentes existant, quã cupis? facili admodum, inquit, simpliciq; ratione, o Socrates. nam si quando, quod ad se attinet sedulo ac diligenter curantes cognouerim, tum et laudibus eos. prosequor, et aliquo honore. afficere studeo. sin autem contra, negligens suum munus exequentes; tum et dicere, et facere aliquid conor, quod eos mordeat. age, inquam ego, o Ischomache, omisso iam nunc



isto sermone qui ad personam eorum attinet, qui ad sedulitatem insti-  
 tuuntur, doce me de ipsa ratione instituendi, num id fieri possit, ut  
 quispiam, quum ipse sit negligens, alios reddat diligentes: minime  
 vero, inquit Ischomachus. ac nihilo quidem magis, q̃ si quum ipse  
 sis musicæ artis ignarus, alios aggrediaris ad musicam erudire, diffi-  
 cile enim est, dum ipse præceptor aliquid agentem se perperam osten-  
 dit, eum mox pulchre efficere, ut discipulus id recte percipiat: diffi-  
 cile etiam quū ipse dominus negligentiam præ se ferat, ministrum  
 sedulum, diligentemq; fieri. deniq; ut breui dicam, mali cuiuspiam  
 domini seruos bonos non mihi adhuc vidēor cognouisse, at boni quie-  
 dem malos iam vidi, neq; eos tamen impunitos. Cæterum si quis  
 velit sedulos diligentesq; reddere quospiam ipsum hunc omniū, quas  
 cunq; apud se gerantur, et inspectorem ex exploratorem assiduū esse  
 oportet. et si quid pulchre egregieq; confectum curatumq; sit, pro-  
 pensum ac facilem ad referendam gratiam auctori. Si quid vero nes-  
 gligenter, non cunctantem, aut verentem, merito supplicio eum affi-  
 cere qui neglexerit. nec inepte sanè mihi videtur, inquit tum Ischos-  
 machus, quod ab hoc proposito non abhorreat, Barbarus quidē olim  
 respondisse. nam quum rex bonum equum quendam nactus esset, velo-  
 letq; eum celeriter pinguem fieri, interrogauit vnum ex ijs, qui dis-  
 ciplinam equestrem callere optime videbantur, quidnam id esset, quod  
 equum pinguem celerrime efficeret? at ille fertur dixisse: dominiocus  
 lum eum sibi quidem videri, itidem vero, inquit, o Socrates, etiā  
 res alias domini oculus mihi maxime efficere videtur, ut egregieq; ac  
 laudabiles sint. tum ego, num si cui, inq; istuc vnum et valde quia-  
 dem strenue tradideris, curari ab ipso oportere omnia quæcunq; tu  
 velis, is continuo idoneus erit, quem curationi rerum tuarum præs-  
 cias? an et aliud quidpiā erit illi discendum, ut bonus rei rusticæ  
 procurator euadat? ac maxime quidem, inquit Ischomachus. reli-  
 quum enim illi est adhuc ut nouerit et quid agendum, et quando,

et qua ratione . alioqui non video, quæ maior villici utilitas futura  
fit, qui hæc ignoret, quam medici, qui ægrotantis quidem cuiuspiam  
curatione suscepta, eum sedulo et mane et vespere inuisat, quid autē  
fit illi faciendum quod illum iuuet, neutiquā teneat . et ego, quod si  
quæ factū opus sunt, iniqui, ea quomodo agenda sint, is didicerit, erit  
ne aliud quidpiam præterea eidem discendum, an perfectus tibi erit  
iste iam tum procurator? puto, inquit, discendum illi esse etiam quo  
pacto in eos, qui opus faciunt, imperium exerceat . tum ego, num  
igitur, inquam, etiam istuc tuos procuratores docere consueuisti, qua  
ratione ad imperandum idonei sint? conor id quidem ego, inquit  
Ischomachus . et quo tandem pacto quaeso te, per Deos, iniqui ego,  
homines ad imperandum hominibus idoneos reddis? vulgari admos  
dum more, o Socrates, proinde etiam fortasse inuidebis, si audies .  
at qui, iniqui ego, derisu quidem minime digna res mihi esse videtur  
isthæc, o Ischomache . nam quisquis ad imperandum idoneos red  
dere homines potest, is planè docere poterit etiam quo pacto in ho  
minibus dominari eosdem oporteat . quisquis autem ad dominandum  
aptos, is etiam ad regnandum efficiet . quapropter quicumque istiusmodi  
quidpiam præstare possit, is mihi non modo non derisu sed contra  
etiam ingenti laude dignus esse videtur . ergo, o Socrates, inquit  
ille, cetera quidem animalia parere imperio assuescunt his duabus  
rebus, si et supplicio afficiantur, ubi imperium audacius contem  
pserint, et contra, benigne liberaliterque tractentur, si quando egregie  
prompteq; inseruierint . hac enim ratione equali quoque assuescunt pas  
cere domitoribus, si qua in re sibi illos gratificari sentiant, ubi pas  
ruerint, ubi autem imperium neglexerint, exhibere molestiam donec  
illis ex sententia obsequantur . quinetiam catuli quamuis multo et  
mente et lingua hominibus deteriores hebetioresque sint, tamen et cir  
cumcurrere, et in caput se demittere, et alia item multa facere eas  
dem ratione assuescunt . nam simul ac paruerunt, aliquid accipere so  
lent:

lent; cuius ipsi cupidi sint: vbi autem contumacius se gesserint, illis  
 co pœna aliqua afficiuntur. at vero, vt homines obedire hominibus  
 velint, ea sunt ratione inducendi, qua intelligant vtile sibi futurum  
 si obedierint. quanq̃ seruis etiam ea, quæ feris aptior, conueniens  
 tiorq; videtur disciplina, maxime congruere videtur, vt ad parenda  
 dum inducantur. nam si ventri illorum in ijs rebus, quarum cupidi  
 sunt, liberalius indulseris, pleraq; per illos obtinebis atq; efficies. quod  
 si qui sint ingenio ad honorem propensiori, hi etiam laudibus exci  
 tabuntur. sunt enim quidam suapte natura non minus auidi laudis,  
 quam alij nonnulli sint et cibi et potus. quum igitur omnia hæc  
 quæcunq; ipse dum facio puto me homines obsequentiores habiturum,  
 tum etiam alia, quæ proxime dicam, eos docere soleo, quos villicos  
 procuratores ue constituere volo, atq; ita illis subuenire. nam neq;  
 vestimenta quæ eos, qui opus faciunt, à me accipere oportet, neq; item  
 calciamenta, similia inter se omnia comparo, sed alia alijs meliora  
 deteriora ue confici iubeo, vt possim videlicet quem præstantiorem  
 cognouero, melioribus, quem nequiores, deterioribus ornare. ma  
 gnum enim dolorem mihi merito concipere videntur boni, si quan  
 do, quod opus faciendum fuit, id à se vnus confectum videant, pa  
 ria vero sibiipsis præmia consecutos eos, qui neq; laborem vllum, sis  
 cubi opus sit, neq; periculum subire voluerint. ipse igitur nullo prors  
 sus modo par esse arbitror, vt qui præstantiores sint, deterioribus  
 donentur. itaq; etiam villicos si forte ijs, qui plurimum meruerint,  
 eximium quidpiam atq; optimum largitos videam, laudibus prosee  
 quor. sin vero quempiam aut adulationibus, ab iisdem, aut alia quaz  
 piam inutili gratia prouectum altius inspecio, non soleo negligere. sed  
 tum obiurgo, tum studeo docere, ô Socrates, ne illi quidem ipsi  
 isto modo quod vtile sit ipsos facere. tum ego, ô Ischomache, inq̃,  
 simul atq; iste tibi ad imperandum idoneus effectus sit vsq; adeo, vt  
 dicto audientes tibi, obsequentesq; exhibeat quos velis, num illico

procuratorem rei rusticæ optimum atq; perfectum existimas? an ad a  
huc qui ista adeptus est, quæ dixisti, aliqua re indiget? sanè ind  
get, inquit Ischomachus. nam et abstinere illi opus est rebus, quæ  
vnius domini propriæ sunt, et propterea non furari. nam cuius fidei,  
prouentus anni commissus est, hic si fruges, fructusq; ausit dispera  
dere vsq; adeo, vt non supersint, qui operibus faciundis vtilis sint,  
quid tandem iuuerit nos, rem rusticam per huius procuracionem ad  
ministrari? num istius quoq; iustitiæ docendæ, inq; ego, munus ipse  
subire consueuisti? maxime sane, inquit Ischomachus. neq; tamen  
omnes promptos, et qui huic doctrinæ obsequantur, idoneos reperio.  
itaq; alia quidem ex Draconis legibus, alia ex Solonis accipiens,  
sic interim studeo seruos in hanc iustitiam inducere. mihi enim hi viri  
videntur multas leges scripsisse ad huiusmodi iustitiæ institutio  
nem. si quidem in illis id continetur, vt qui furto sustulerint quida  
piam, mulctentur, et vinciantur si quis in ipso furto sit deprehensus.  
et necentur, qui manu rem gerere audeant. plane enim constat scri  
pta hæc esse ab illis vt turpe lucrum iniustis hominibus inutile red  
datur. ego igitur partim ab his hauriens, partim ex legibus regum  
assumens ea, quæ mihi conuenire videntur, seruos meos tales red  
dere studeo, vt in ijs, quæ ab ipsis tractanda sint iuste versentur. ille  
euim leges pœnas duntaxat peccantibus irrogant. regia autem leg  
ges, non solum eos, qui iniuriam intulerint, plectunt: sed etiam eos,  
qui iuste egerint, premio afficiunt. ex quo fit, vt plariq; lucrum  
amantes dum iustos ditiores iniustis fieri vident, egregie sanè ac pro  
be pergant neminem iniuria afficere. quos vero, inquit, etiam bene  
ficijs, muneribusq; allectos, nihilominus tamen iniuste agere conantes  
animaduerto, hos tanq; insanabili cupiditatis atq; iniustitiæ morbo  
laborantes, etiam vsu earum rerum, quas administrent, priuare soleo.  
quoscunq; autem contra, non solum ex eo quod propter iustitiam se  
locupletiores ceteris factos videant, concitari ad iustitiam, sed etiam

ex eo quod à me laudentur, cupere se esse iustos intelligo, his iam tum vtor tanquam ingenuis, neque diuitijs solum, sed etiam honoribus, eosdem tanquam egregiosque et frugi augere soleo. hoc enim mihi differre, inquit, videtur, ô Socrates, vir honoris cupidus, et vir lucri amator, quod alter laudis, honorisque gratia et labores et pericula adire, sicubi res poscat, et turpibus lucris abstinere, paratus sit: alter non item, sed enim, ô Ischomache, quum ita animatum reddideris quum opiam, ut omnia velit tibi esse bona, eundemque instruxeris, quo pacto curet, ut hæc ipsa tibi effecta reddantur, deinde eidem scientiam tradideris, qua vnumquodque eorum, quæ facienda sunt, utilius tibi et commodius absoluat, eundem præterea ad imperandum idoneum comparaueris, postremo ille iam tibi omnes fruges, quas terra tulerit, reliquosque fructus vniuersos singulis annis exhibere consuerit, non minori cum fide quam tutemet tibi ipsi, tum neuiquam ego te iam vltra rogabo, vtrum ei quem talem præstiteris, aliquid etiam nunc des sit. apprime enim mihi iam videtur quicumque talis existat, quantum uis pretij procurator habendus. verum illud tamen, quæso te, ô Ischomache, noli sic mihi relinquere, quod pauloante in dicendo segnitè admodum, leuiterque percurristi. quodnam istuc est, inquit Ischomachus: nimirum dixisti, inquam ego, maximi esse momenti, ut quis discat, quonam modo vnumquodque opus tractari atque effici oporteat, alioqui nullam istiusmodi procurationis ac sedulitatis rationem futuram dicebas, nisi quis etiam illud teneret, quas res facere, et quomodo facere oporteat. tum Ischomachus, artem me, inquit, ipsam iam nunc, ô Socrates, agriculturæ docere iubes. sanè inquam ego. nam hæc iam est, quæ facit, ut ij diuites sint, qui ipsam norint. qui autem ignorent in multis laboribus, multaque inopia vitam degant. ergo ausdies nunc iam inquit, ô Socrates, etiam humanos huiusce artis mores. nam quod ea dum exercetur, et utilissima et iucundissima sit, necnon pulcherrima, gratissimaque Dijs, atque hominibus, et præterea



ad discendum facillima, quas non in primis generosum putauerit: quippe generosa enim ea cuncta vocamus animalia, quæ quum et pulchra et magna et utilia sint, mitia sese erga homines præstant. atque qui ista quidem, tum inquam ego, ô Ischomache, satis mihi videor didicisse ex eo, quod dixisti, quemadmodum procuratorem rei rusticæ instituere oporteat. nam et qua ratione dixeris te illum erga te beneuolum reddere, et qua diligentia item, et qua ad imperandum idoneum, et qua iustum, didicisse, tenereque videor. quod autem dixisti oportere eum, qui recte sit rem rusticam curaturus, discere, et quæ sibi sint facienda, et quo pacto singula, et quo tempore facienda, hæc sanè omnia animaduerto, inquit ego, nos oratione segnius aliquanto ac negligentius percurrisse, non secus ac si dixisses, scire eum litteras oportere, qui facultatem sit habiturus et scribendi ea, quæ lingua nuncupata, et legendi ea, quæ scripto commissa essent. hæc enim ego si audiuissem, quod quidem oporteat litteras scire audiuissem. quæ uis autem hoc ipsum egregie tenerem, nihilo tamen magis, ut arbitror, litteras scirem. idem vero etiam in ista re mihi usu uenire uideo. quod enim oporteat rei rusticæ habere scientiam eum qui recte sit illam ipsam curaturus, facile persuasum habeo. at uero licet istuc optime teneam, nihil tamen magis quam ante quo pacto agrum colere oporteat noui: sed si quidem mihi istuc unum tenenti illico agris culturæ dare operam placeat, sanè tum mihi similis videar illi medico, qui circuncurset sedulo inuisens agrotos, quid autem agrotis aut salubre, aut utile sit, prorsus ignoret. ut ne igitur amplius sim talis, inquit ego, doce me quæso ipsa munia rei rusticæ. at qui tum ille inquit, non quemadmodum in alijs discendis artibus multum, ô Socrates, temporis ante consumere oportet, quam is qui discit opere faciundo uictum mereatur, ita res rustica ad discendum difficilis est, sed eos partim intuens, partim audiens, qui munera illius exequuntur, confestim usque adeo sciens euaseris, ut possis etiam alios docere si uer-



lis. *suspicio* autem, inquit, quamvis multa quæ ad illam pertineant noris, te tamen ipsum nunc fugere quàm illorum sis *sciens*. namq; alij quidem artifices occultare nescio quo pacto consueverunt ea, quæ summa et rarissima in sua quisq; arte nouit. apud agricolas vero is qui optime arbores ferit, tum maxime gaudet, quum ferentem ipsum quise-  
*pia* intuetur. idem vsu uenit in eo qui optime sementem facit. deniq; nihil est horum quæ pulchre egregieq; apud illos confecta habentur, quod si interrogas qua ratione cōfectum sit, id tibi sit occultaturus qui fecerit. sic sanè, inquit, etiam moribus, ò *Socrates*, apprime generosos reddere videtur agricultura eos, qui cum ipsa uersentur. tum ego, atqui exordium, inq; , perpulchrum, nec sanè eiusmodi ut possit audientem deterere ne amplius roget. tu uero quod honesta ac digna res est quàm homines discant, idcirco eam multo mihi magis enarra. non enim dedecet te, si ea, quæ facilia sunt doceas. contra potius turpe mihi sit quod nesciam, præsertim quum eadem utilia sint. ergo, ò *Socrates*, inquit, primum sanè illud tibi demonstrare uolo, neutiq; difficile esse quod maxime in agricultura varium esse, qd dicunt, qui oratione quidem illam peregre com-  
 plectuntur, re autem atq; exercitatione minime attingunt. aiunt enim eam qui bene sit rem rusticam tractaturus, terræ primum ipsius naturam nosse oportere. qui quidem recte sanè, tum inquam ego, ista dicunt. qui enim nescit quid terra possit ferre, ne illud quidem scit, quid uidelicet seminis ei committere, aut quid in ea arborum ferere oporteat. ergo, tum inquit *Ischomachus*, etiam de aliena terra eandem cognitionem accipere nihil prohibet, quid scilicet possit ferre, quid ue item non ferre, contemplantem et fructus et arbores. uerum ubi quis semel nouerit, non ultra conducit pugnare cum *Dijs*. non enim cuiuscunq; indigens fuerit quispiam, id protinus siue seminet, siue serat, capiat quæ sibi ad uiuendum necessaria sint potius, qm si quod terra ipsa non inuita et ferat et nutriet, si uero ob ignauiam

eorum, qui ipsam possideant, non possit ipsa suam vim ostendere à vicino loco plarunq; licet veriore de ipsa cognitionem accipere, q̃ si ab homine vicino accipias. quicquid enim ipsa quamvis inculta horreat, tamen naturam suam indicare consuevit. nam quæ agrestes plantas egregias parit, potest si colatur etiam urbanas ac domesticas præstantes item atq; egregias ferre. hac itaq; ratione quamvis aliqui rei rusticæ admodum periti non sint, aliam tamen possint facile ab alia discernere. atqui tum inq; ego, istius quidem quod num dicis, ò Ischomache, iam mihi satis magnam fiduciam accepisse videor, ut me amplius non oporteat ab agricultura abhorreere, timentem ne possum terræ naturam cognoscere. etenim veniunt, inquam, piscatores in mentem, qui licet mari sint assueti, ac neq; vnq; ad contemplandum constiterint, neq; saltem quietius incedentes, sed vna cum ipso mari duntaxat arua prætercurrentes, spectauerint: tamen quum aliquos in aliqua terra fructus vident, non dubitant enunciare, quæ nam bona, quæ ue mala sit terra. sed planè hanc quidem vituperant, illam vero laudant. nec eos video plarunq; ab ijs, qui rem rusticam apprime callent, de bona terra dissentientes, sed sapissime idem enunciantes, quod illi. vnde igitur vis ò Socrates, incipiam redigere tibi in memoriam ea, quæ ad agriculturam pertinent? scio enim me tibi longe plurima scienti, ut agrum colere oporteat, dicturum. videor mihi, inq; ego, ò Ischomache, primum illud libenter auditurus. (hoc enim ad virum philosophum in primis spectat:) quo nam pacto ego, si velim, plurimum ordeï, plurimumq; tritici copiam ex ipso terræ cultu. non ne igitur hoc saltem nosti, quemadmodum sementi noualem agrum subigere oporteat? noui vero, tum inq; ego. num quid igitur terram proscindere, inquit, incipientibus hybernis mensibus? atqui lutum, inq; tum impediat. num astate igitur placet? durior tum inq; erit terra, quam ut aratro moueri possit. illuc video, inquit, rem deducimus, ut verno tempore sit huiusmodi opus inchoandum. per quippe est ma

xime, inquam ego, terram eo tempore si moueatur, resolui, diffuns  
 diq. herbam quoq; inquit, quæ euerititur, ô Socrates, eodem tem  
 pore ipsi terræ esse pro fimo. Semen autem spargi quod terra ita  
 excipiat, vt pullulet nondum conuenit. puto enim iam hoc quoq;  
 sciendum esse videlicet, vt nouale bonum, existat ab omni materia  
 purum, subactumq; et excoctum maxime à sole esse oportere. ma  
 xime, inq. ista quoq; necesse esse arbitror, vt quemadmodum dis  
 cis, ita se habeant. tum ille, num tu igitur, inquit, hæc vlla alia ra  
 tione potius confici arbitraris, quam si æstate q̄plurimis arationibus  
 quis terram vertat? sane compertum habeo, inquam, nullo alio mo  
 do potius futurum, vt materia quidem in summo deprehendatur, atq;  
 æstu arefcatur, terra autem à Sole coquatur, quam si quis in illam et  
 media æstate, et medio die aratrum immittat, ipsamq; sic moueat.  
 quod si homines fodiendo, inquit, noualem faciant, non ne constat  
 eos terram à materia seorsum tractare oportere? et ipsam quidem  
 materiam, inquam ego, prosternere, vt in summo arefcatur: terram au  
 tem versare, vt quod in ea crudum fuerit, coquatur. iam ergo, in  
 quit, cernis, ô Socrates, vt de nouali ambobus nobis eadem plas  
 ceant. et ego, sanè, inquam, placent. at vero de sementis tempore,  
 inquit, num aliud quidpiam sentis, ô Socrates, quam, vt ea parte  
 anni facienda sit, cuius quum omnes, tum quicunq; nos antecesserunt,  
 tum quicunq; nunc extant vsu edocti, eandem appositissimam esse iu  
 dicarunt? nam vbi autumni tempus aduenit, omnes qui vsquam sunt  
 homines, in cælum suspiciunt, ecquando irriget terram Deus, et sic  
 ipsos seminare permittat. et ego, illud præterea, inquam, sentiunt  
 omnes homines, ne arente terra sementem faciant, nisi aliqua necessis  
 cogat, hoc ipsum ea re docti videlicet, quod à multis damnis  
 vexari, oppugnariq; soleant quicunq; ante seminare ausint, quàm  
 Deus iusserit. ergo hæc quidem probant, inquit Ischomachus, faten  
 turq; omnes homines. ita quippe sit, inquam ego, vt quæcunq; ipse

nos doceat Deus, de ijs omnium eadem sententia sit. veluti quod omnibus omnino placeat, prestare, in hyeme crassiora vestimenta ferre si modo possint. item aque omnibus placet, tunc potissimum ignem accendere si ligna habeant. at qui de hoc ipso quod pertinet ad sementem, inquit Ischomachus, multorum, ò Socrates, multa est controuersia, vtrum videlicet quæ maturius fiat, an quæ medio tempore, an quæ serius maxime probabilis sit. Deus quoque, inquam ego, annum agit nullo certo ordine: sed modo ad ea quæ mature fiunt, modo ad ea quæ medio tempore, modo ad ea quæ maxime sero appositissime. tu igitur, inquit, ò Socrates, vtrum putas melius esse, ex his omnibus vnum duntaxat sementis genus eligere, eoque vno vti, siue multum quis, siue parum sparsurus sit seminis, an à primo quoque tempore incipientem, seminare, usque ad nouissimum. et ego tum ad illum mihi quidem, ò Ischomache, videtur optimum factu esse, ut nullum sementis genus negligamus. multo enim satius esse arbitror, tantum semper frumenti accipere, quantum abunde sufficiat uictui, quàm modo quidem quamplurimum, modo uero ne quantum quidem sit satis. ergo de hoc quoque, inquit, tu quidem, ò Socrates, idem sentis quod ego, tu uidelicet qui discis, quod ego qui doceo, quum tamen ipse prior tuam sententiam ostenderis, quàm ego meam. tum ego, ecquid, inquam, et uaria ne est iaciendi seminis ratio? est uero, inquit, ò Socrates. consideremus sanè istud quoque. nam quod manu iacere semen oporteat, nimirum et ipse, inquit, nosti. quippe qui uiderim, inquam ego. iacere autem aequaliter, inquit, alij possunt, alij non possunt. ergo istuc quidem, inquam, meditationis iam exercitationisque indiget, ueluti citharædi item manus, ut possit sententiæ, uoluntatiq; canentis subseruire. istuc uero maxime, inquit. quod si terra, inquit, tenuis ac rara potius, quàm densa ac pinguis fuerit? tum ego: quid istuc, quæso, ais? raram ne idem quod imbecillam, et densam ne quod uas lentem? hoc ipsum, inquit, dico. et interrogo te utrum tantumdem se-

minis vtriq; daturus sis, an non? et si non sis tantundem, vtri tan-  
 dem amplius? et ego, vino quidem, inq; , valentiori, plus aqua  
 admiscendum esse arbitror. et homini robustiori si quid forte ge-  
 stare opus sit, plus oneris imponendum. quod si quos homines nu-  
 trire necesse sit, plures sanè ego potentioribus nutriendos impera-  
 uerim. num autem fieri possit, vt imbecillior terra valentior fiat,  
 plus in illam sementis iaciendo, quemadmodum solent iumenta, lis-  
 benter admodum te docente didicerim. et Ischomachus, emissio risu.  
 atqui tu quidem, inquit, iocaris, ò Socrates. verum scito tamen,  
 postq; terræ semen commiseris, si quo tempore plurimum de cælo  
 accipit nutrimenti terra, iam videlicet enata herba de semine, tum  
 idem euerteris rursus ac deieceris, id ipsum terræ cibi afferre vsum,  
 hocq; ipsum, instar lataminis ac fimi, eandem reddere valentiorē.  
 at si illam ad extremum vsq; alere semen, quoad scilicet in frus-  
 ctum euadat, permiseris, difficile sanè erit terræ imbecilliori mul-  
 tum fructum vsq; ad finem perferre: veluti sui quoq; minus vas  
 lentum difficile sit nutrire multos iam adultos fætus. id dicis video  
 licet, inq; ego, ò Ischomache, debiliori terræ minus seminis esse  
 committendum. istuc sanè, inquit dico, ò Socrates: et tu idem  
 fateris, qui putas omnibus, quæcunq; imbecilliora sint, et minora,  
 et pauciora esse imperanda. tum ego, sarcula vero, inq; , ò Ischo-  
 mache, quæ de causa adhibetis frumento? videlicet, inquit, nosti  
 hyeme aquas multas existere. quid ni inq; ego? concedamus ergo  
 necesse est ab illis induc'to limo herbulam quampiam è semine fru-  
 menti ortam obrui: item radices aliquas inundatione nudari. etiam  
 materia platurq; vnà cum frumento enascitur vi aquarum, illudq;  
 suffocat. par est, inq; ego, istac omnia fieri. non ne igitur hic tibi  
 videtur, iam alicuius indigere opis frumentum? et ego, videtur ve-  
 ro, inq; . ei igitur quod limo induc'to obrutum sit, quid tandem fa-  
 ciant, si qui opem ferre velint? subleuent sanè inq; ego, terram.



at ei cuius radices nudata, quid? eodem regerent, inq̃ ego, et accu-  
mulent rursus terram. quid porro, inquit, si materia vna cum frus-  
mento enata id ipsum suffocet, eiusq; ita diripiat cibum, vt fuci igna-  
ui et inutiles ea diipere solent, quacumq; ipsæ apes à se confecta res  
ponunt et condunt? et ego, excidere nimirum, inq̃, istiusmodi mates-  
riam oporteat, quemadmodum et fucos ex aluearibus tollere. non ne igit̃  
tur merito tibi videmur sarcula adhibere? et ego maxime quidem, inq̃.  
ceterum hic mihi venit in mentem, o Ischomache, cuiusmodi sit sere-  
moni accommodatas inducere imagines. valde tu quippe animum mihi  
ad materiam intentum reddidisti, dum fucorum facis mentionem multo  
magis q̃ tunc, quum de ipsa materia loquebaris. ceterum par fortasse  
fuerit, messem deinceps fieri. doce me igitur si quid habes, item quod  
ad hanc rem pertineat. sanè, inquit, modo ne tu hac quoq; in re idem  
scire videaris, quod ego. si quidem quod secare frumentum oporteat,  
iam nosti. quid ni inq̃ nouerim? vtrum igitur illic, vnde flauerit ven-  
tus, consistens secabis, an ex aduerso? tum ego, non ex aduerso inq̃.  
molestum quippe suspicor, et oculis et manibus fore, si contra paleas  
et aristas quis metat. et ille, summa ne, inquit incidas, an prope tera-  
ram inferius feces? si quidem brevis sit ipsius frumenti calamus, tum,  
ego inquam inferius, terraq; vicinius inciderim, vt sic palearum has  
beatut quantum sit satis. sin autem procerior fuerit, medium incidere  
putauerim rectius, ne et qui deinceps trituri in area sunt, supervacuum  
laborem assumere cogantur, et qui ventilaturi ac purgaturi, ea tractas-  
re, quorum nullus sit vsus. præterea pars, quæ humi affixa supererit, si  
post comburatur, terræ, puto haud paruam utilitatem sit allatura, si-  
moq; si admixta fuerit, inum ipsum multiplicatura. vides ne, in-  
quit, o Socrates, vt de messe item manifesto deprehendaris, qui eas-  
dem tenes, quæ ego? planè inquam video periculum esse ne istuc. vés-  
rum dixeris. ceterum volo item inspicere, num etiam terere in area pos-  
sim. et ille, iam ergo, inquit, nosti, vt iumenta in area frumentum tea-



rant. quid ni? inquam. nosti vero, inquit, etiam quæ iumenta vocentur simili ratione omnia, boues, mulos, equos. non ne igitur putas hac ipsa ad proterendum frumentum tantisper idonea esse, dum impellantur, aut agantur? sane inquam. quid enim aliud tandem præstare possint iumenta? ut vero omne id frangant, quod fracto opus est, et trituratura exaquetur, cuiusnam, o Socrates, inquit, efficiendum attribues? his, inquam, videlicet, quibus trituraturæ onus impositum sit. namque hi, et verè sanes, et pedibus iumentorum subijcientes ea semper, quæ nondum fracta aut protrita sunt, maxime videlicet ad vnguem exaquaerint, et rem quæ celerrime confecerint. hæc igitur, ille inquit, nihilominus cognoscis ac tenes, quam ego. cæterum, o Ischomache, inquam, iam id sequitur, ut secermentes frumentum purgatius reddamus. et Ischomachus, dic mihi quæso, inquit, quatenus istud noris. nam si ex ea parte areæ aggrediaris, qua ventum ipsa excipit, per totam aream tibi difficient paleæ. nimirum, inquam ego, necesse est. ergo par etiam est, inquit, eas in frumentum recidere. quippe, inquam, quum plus sic futurum sit spatij, quam ut ultra frumentum ferantur paleæ in eam areæ partem, quæ uacet. at uero si quis inde inquit uentilandi initium sumat, qua uentus emittitur? sic quidem haud dubium, inquam, paleas euestigio in locum suum casuras. cæterum ubi frumentum, inquit, purgaueris ad mediam usque aream, utrum illico sic frumento confuso, quod reliquum fuerit palearum, uentilabis? an postquam id quod purgatum habebis in mediâ areæ locum, qui uertex et polus dicitur, congesseris quasi in angustissimum? et ego, scilicet postquam congessero, inquam, quidquid frumenti purgatum mihi fuerit, ut in uacuum areæ spacium transiliant ac ferantur paleæ, neque mihi necesse sit bis easdem paleas uentilare. ergo, o Socrates iam tu quidem, inquit, uel alium possis docere, quo pacto frumentum quæ celerime purgatum habeatur. ego ista, inquam, uel iam diu imprudens tenebam ac noueram. cogito itaque iam nunc, utrum itidem imprudens scientiam habeam, qua possim alias quoque

res efficere, ut aurum tractare ac fundere, ut tibijs canere, ut pingere.  
nam neque horum quidpiam quisquam me docuit, neque item rem rusticam.  
licet autem mihi ut eos, qui agriculturae dent operam, sic eos  
qui aliam quamvis artem exerceant, intueri. an non dixi tibi iam duo-  
dum, inquit tum Ischomachus, rem rusticam eo maxime generosam esse,  
quod ad discendum facillima sit? et ego, agetum, inquam, novum scire  
ne istud, o Ischomache. iam equidem video quaecumque ad sementem  
pertinent, me nescientem atque imprudentem tenuisse. sed est ne item, in-  
quam, rusticae rationis, arbores serere? est quidem certe, inquit Ischo-  
machus. cur ergo, inquam, ea, quae ad sementem spectant, scire pos-  
sum, haec autem quae ad serendas arbores, non item? aui vero, tu, in-  
quit Ischomachus, haec haud nosti? et ego, qui istuc, inquam? quum  
neque quo solo serendum sit, nouerim, neque quam alte plantam in-  
fodere oporteat, neque quanta latitudine scrobem cavare, neque  
quam proceram plantam immittere, nec denique quo pacto affixa  
terrae planta maxime sit pullulatura? age igitur iam nunc, inquit  
Ischomachus, discere quidquid istuc est, quod ignoras. scrobes quippe  
inquit, cuiusmodi excauent plantis infodiendis, scio te aliquando  
inspexisse. ac saepe numero quidem, inquam ego. uidisti ne ergo unquam  
tribus pedibus altiore? ego uero, inquam, ne semipedibus quidem  
quinq; . at cuiusquam latitudinem, uidisti ne unquam tribus pedibus  
maiorem? ac potius, tum ego inquam, ne duobus quidem. agetum  
quaeso, inquit, hoc praeterea mihi responde. unquam ne scrobis altitu-  
dinem pede minorem uidisti? quin, ego inquam, ne semipedibus. quia-  
dem tribus. nam periculum erit ne eruantur plantae dum fodientur,  
si tam humili scrobe satae fuerint. et ille, ergo hoc, o Socrates abun-  
de, inquit, nosti, neque semipedibus quinq; altius, neque tribus humilius  
plantas esse infodiendas. sane istuc, inquam, necesse est me perspicere,  
quum perspicuum sit. quid porro? inquit. aridiorem ne terram atque hu-  
miliorem uisu pates discernere? et ego, arida quidem mihi esse inquam

videtur, quæ ad Licabettum pertinet, et si qua huic similis est. huius  
 midior vero, quæ ad paludem phalericam, et quæcunq; præterea  
 huic similis. vtrum ergo, inquit, plantam depositurus altiore in  
 arida scrobem cauabis, an vero in humida? et ego, in arida scio  
 licet. quippe qui in humida, inquam, si aliquanto altius fodiam,  
 aquam sim offensurus. quapropter ne serere quidem in aqua ama-  
 plius possim. probè, inquit, mihi dicere videris. cæterum vbi scro-  
 bes excauata fuerint, quàm mox plantas in vtraq; deponere oport-  
 teat, iam, puto, nosti. maxime, inquam ego. tu igitur si velis,  
 inquit eas celeriter pullulare, vtrum tandem eam terram substerna-  
 mens, quæ subacta sit, malleoli germen putas per emollitam? an  
 per ignauiam et immotam citius penetraturum in id, quod durius sit?  
 et ego, haud dubium quidem est, inquam, quin per emollitam et  
 subactam citius, quàm per inertem et immotam. ergo terram plantæ,  
 inquit, substernere oportebit. et ego, quid ni, inquam, oporteat?  
 vtrum vero si rectum, atq; in cælum spectantem malleolum collo-  
 ces, ipsum putas firmitus radices emissurum, an vero si obliquum  
 quidpiam posueris sub ea terra, quàm emollitam substraueris, ita  
 quidem, vt gemma litteræ instar resupinus iaceat? ita scilicet, vt  
 dicis. plures enim oculi, seu gemmæ erunt sub terra. ex ipsis autem  
 oculis sursum pullulantes plantas animaduerto. quare idem vsu ue-  
 nire arbitror, etiam in oculis qui sub terra lateant. multis enim gers-  
 minibus è terra enascentibus, cito utiq; ac valenter pullulaturam  
 arbitror plantam. iam ergo, inquit, vides, vt de his quoq; idem sen-  
 tias atq; intelligas, quod ego. ingeres porro, inquit, terram duna-  
 taxat, an et calcabis, stipabisq; bene et nauiter circum plantam?  
 stipabo scilicet, inquam ego. etenim quidquid est, nisi stipatum ac  
 densius redditum fuerit, non dubito, sanè ego futurum, vt terra  
 hoc modo non coacta vel aquarum accessu in limum euadat, vel sole  
 adurentè, ad imum vsq; exarescat. quare periculum fuerit ne plantæ

vel ab aquis putrescant ob humorem, vel evanescant ob siccitatem,  
calefactis videlicet ob raritatem soli radicibus. Ergo tu quidem, in-  
quit, etiam de ferendis vitibus eadem omnia tenes, quæ ego, tum  
ego, num et ficum, inquam, eadem ista ratione ferere oportet? ego  
vero etiam reliquas omnes, inquit, arbores fructiferas puto. ubi enim  
quæ ad vitis sationem pertinent bene, apteq; egeris, quod tandem  
aliud ferendi genus supererit, in quo haud probandus esse videaris?  
at oliuam qua tandem ratione, inquam ego, seremus, ô Ischomache?  
meam in hoc quoq; tentas sententiam, inquit, qui istuc ipsum nosti præ  
ceteris omnibus. vides enim ut profundior oliuæ scrobs fodi soleat,  
num ut observare possis iuxta vias maxime fodi solet. vides præ-  
terea ut plantæ omnes oleaginæ truncos habeant. vides etiam linum  
omnibus plantarum capitibus impositum, et omnium plantarum partem  
superiorem obtectam. video, inquam ego, ista omnia. at qui si vis  
des, inquit, quid eorum est, quod non intelligas? an testem, ô So-  
crates, inquit, ignoras? quemadmodum videlicet ea supra limum colo-  
locetur? et ego haud scilicet horum, quæ dixisti, quidquam ô Ischo-  
mache, ignoro. sed iterum cogito: quare quum antea summatim me  
interrogaueris, quàm sim arborum ferendarum peritus, me non esse pe-  
ritum responderim. neq; enim putabam me posse dicere, qua ratione  
quidquam ferere oporteat. postquam autem singillatim de vnaqua; re  
me interrogare aggressus es, respondeo tibi, quemadmodum ipse dicis,  
omnia profus, quacumq; etiam ipse nosti, qui peritissimus agricola dis-  
ceris, ergo, ô Ischomache, inquam, doctrinæ quoddam genus est in-  
terrogatio. modo enim, inquam, eatenus discio, quoad me de singulis  
rebus interrogas. ducens enim tu me per ea, quæ novi, dum his ipsæ  
similia demonstras ea, quæ me nescire putabam, persuades puto, me  
hac itidem nosse. ergo, tum inquit Ischomachus, de argento quoq; si  
te interrogem, purum ne sit, an non, possim tibi persuadere, ut scien-  
tiam habeas discernendi, quod verum sit ab adulterino? et de ijs, qui

tibia canunt, non ne possim utiq; obtinere verbis, quemadmodum tibi  
 hijs possis canere? nec non de pictoribus, alijsq; eiusdem generis ite-  
 dem? ita fortasse, inquam ego. quippe qui mihi etiam ut rei rusticæ  
 peritus sum, persuaseris, tametsi scio nunquam me habuisse, quempiam  
 huius artis magistrum. et ille, non sunt, inquit, hæc, o Socrates. sed  
 ego vel dudum tibi dicebam rem rusticam adeo hominibus amicam,  
 adeoq; mansuetam esse artem, ut qui videant duntaxat, et qui aus-  
 diant, è vestigio periti illius existant. porro autem ipsa quoq; rerum  
 multarum magistrum se præbet, ut quiuis ipsam optime, rectissimeq;  
 exercere, ac tractare possit. continuo enim vitis, dum in arbores ascen-  
 dit, si modo arborem in proximo habeat, monet se ipsam aliquo ad-  
 miniculo esse fulciendam: deinde pampinos expandens, quum racemi  
 adhuc teneri sunt, monet ijs, quæ per id tempus à sole tangantur,  
 umbram esse inducendam. ubi autem iam aduenit, quum à sole vuas  
 mitescere convenit, tum eadem abijciens folia, monet quemadmodum  
 ipsam nudari oporteat, ut fructus eo modo maturescant. at vero pro-  
 pter multam fecunditatem dum alios quidem iam maturos ostendit  
 racemos, alios autem fert crudiores adhuc, monet interim iam nunc sibi  
 vindemiatorem esse adhibendum, veluti ficus umbra fouet, id quod  
 augefcit atq; intumescit semper. tum ego hic dixi. si igitur ea, quæ  
 ad rem rusticam pertinent, adeo ad discendum facilia sunt, o Ischo-  
 mache, ut omnes similiter sciant, quæ facere oporteat, cur non item  
 omnes in ea tractanda felices sunt? sed dum alij sibi vitum abunde  
 sufficiunt vsq; adeo, ut etiam superuacuis abundant, interim alij ne id  
 quidem suppeditare sibi possunt, quod ad viuendum necessarium est,  
 sed ad reliqua mala etiam æs alienum addere coguntur. tum Ischos-  
 machus, iam inquit, tibi hoc dicam, o Socrates. si quidem neq; scien-  
 tia rerum rusticarum, neq; item inscitia facit, ut alij abundant, alij  
 egeant. nec vero unquam, ut audires, tibi contigit, fama ferri rem cui-  
 uspiam familiarem idcirco dilapsam esse, quod non æqualiter semen ier-



cerit seminator, neque quod perperam ac peruerso ordine uites quispiam  
conseruerit, aut quod ignorans quæ terra ferendis uitibus apta sit, in  
fecundum sationi solum delegerit. nec præterea quod aliquis igno-  
rauerit, ut sementi conducat, aut terram ante prosciendi, aut stercoreari  
agros oportere. sed longe frequentius talia audire consueuisti ille uir  
ex agro suo frumentum non percipit, propterea quod non curat qua  
ratione sementis sibi fiat, aut quomodo latamen ipse sibi comparet.  
item, uinum homo non habet. cur ita? nempe quod non curat quomodo  
uites conseruat: neque quasconsitas habet, quo pacto habeat feraces.  
item, non oleum, non ficus percipit, idcirco quod neque curat, neque dat  
operam, ut hæc possit percipere. hæc sunt jancè, ò Socrates, inquit,  
quibus dum inter se præstant atque excellunt agricola multo, item ex-  
cellentius rem suam aliqui ex illis gerunt, quam qui sibi uidentur dos-  
sè, sapienterque inuenisse exquisitum quidpiam ad opera tractanda.  
ac ne imperatores quidem in plerisque imperatorijs muneribus sententia in-  
ter se differunt, ut sic alij quidem sint alijs præstantiores, sed planè  
cura ac diligentia, quæ enim et cuncti imperatores norunt, ut ex pri-  
uatis quàm plurimi, ea alij quidem imperium gerentes faciunt, alij uero  
non faciunt: ueluti hoc omnes intelligunt, ut quãdiu per hostiles regio-  
nes iter faciunt exercitus, ita acie instructa incedant, ut per quàm com-  
mode prælium possint committere, si opus sit. hoc igitur quum omnes  
intelligant, alij faciunt, alij non faciunt. custodias in castris et diur-  
nas et nocturnas constituere optimum factum esse omnes norunt, sed  
hoc ipsum alij sic curant, ut ipsa res postulat, alij non item. rura  
sua si quando per angusta loca iter faciant, haud sane inuentu diffi-  
cilis est quispiam, qui nouerit, melius esse accommodata, opportunaque  
loca præcipere, quàm secus. sed hoc ipsum alij quidem ita curant fas-  
ciendum, ut oportet, alij autem non curant. sic ergo fatentur quidem  
omnes agriculturæ utilissimam rem esse latamen, idque ipsum cernunt  
ultra ac sua sponte confici solere, sed enim qui tam exquisitè nos-  
runt



runt quomodo fiat, tamen si facile habent, quomodo ingentem illius  
 copiam comparent, alij tamen sedulo curant, quo pacto illud  
 accumulent, alij non curant. At qui Deus è cælo aquam lar-  
 gitur, et caua omnia palustria ac cænosa fieri solent, terraq; ipsa  
 omnis generis materiam suppeditat, et eum, qui est seminatus  
 rus, purgare terram oportet. quæ vero conuelluntur, abijciunturq;  
 procul, ea si quis in aquam conijciat, tempus ipsum inde iam  
 conficiet id genus, quo terra latior comparetur. etenim quæ tan-  
 dem materia, quodue terra genus, si in lacunis, aquisue stagnan-  
 tibus torpescat, in latamen haud conuerti solet: etiam sicubi  
 terra remedijs indiget, vtpote quæ vel humidior sit ad semen-  
 tem faciendam, vel salior ad arbores conserendas, id quidem  
 omnes norunt, quemadmodum ductis fossis aqua emittatur, utq;  
 salsugo tollatur illi dulcia et humida et sicca omnis generis mia-  
 scendo. verum hæc alijs quidem sunt curæ, alijs vero non item.  
 quod si quis penitus ignoret: quarum rerum terra sit ferax, neq;  
 aut fructum eius, aut plantam possit intueri, neq; veram eius  
 naturam aliquo narrante percipere, non ne homini tamen cuilibet  
 quâuis rudi atq; imperito facilius sit terræ periculum facere, quàm  
 equi: non ne facilius, quàm hominis: neq; enim illa præ se fert  
 quidpiam cum fraude: sed simpliciter quidquid valeat aut non va-  
 leat, et patefacit, et veritate ipsa confirmat. quinetiam videtur  
 mihi terra dum et ad cognoscendum, et ad discendum facilia  
 omnia suppeditat, per quam egregie explorare et exquirere, qui  
 nam frugi sint, qui ue nequam. non enim, vt qui alias artes non  
 attingunt afferre excusationem ignorantia possunt, quod eas ne-  
 sciant, sic item in ipsa terra vsu uenire solet. norunt enim o-  
 mnes planissime, eam, à quibus bene tractetur, eosdem bene vici-  
 sim tractare. quocirca rei rusticæ negligentia vel certissima est  
 mali animi proditrix atq; accusatrix. quod enim quispiam sine res

bus ad vsum vitæ necessarijs vitam degere possit, nemo est planè,  
qui sibi ipsi persuaserit. at enim quicumq; neq; aliam artem quaestuos  
jam callet, neq; rem rusticam exercere vult, haud dubium est, quin  
aut furtis, aut rapinis, aut mendicitate victum sibi comparare in  
animo habeat, aut si nihil tale meditetur, omnino omnis prudentiæ  
sit expers. magni autem referre dicebat, vt vel sui studiosos iuuet  
res rustica, vel idem inutilis sit, quoniam plures operæ ad sunt, tum alijs  
quidem curæ esse, vt in tempore sibi ad opus præsto sint operarij,  
alijs vero idem curæ non esse. facile enim vir vnus, inquit, decem  
alios antecedit, qui in tempore opus faciundum curet, quin etiam alius  
alijs præstat, quod horam ipsam, tempusq; præueniat. qui autem per  
mittit homines totum diem nequiter agere ac desidere, facile id agit,  
vt vel dimidio superetur ab opere vniuerso, quemadmodum in spaz  
tio quoq; ducentorum stadiorum, duo nonnumq; iter facientes quama  
uis ambo, et iuuenes sint et valentes, tamen alter alterum stadijs cens  
tum velocitate antecedit, si forte alter id vnum agere pergat, cuius  
gratia ingressus est iter, alter remissiori animo cesset ac circum fona  
tes, subterq; umbras otietur, contempleturq; atq; auras molliores cas  
ptabundus obseruet. idem vsu venit in operibus faciundis. multo enim  
in ipso opere ob soluendo præstantiores sunt, qui id vnum agunt, cui  
vni delegati, destinatiq; sunt, quàm ij, qui idem non agunt, sed  
cessandi occasiones aucupantur, et facilitati atq; otio indulgent im  
pune. profecto enim tanti refert, alium quidem probe opus facere,  
alium vero male curare faciendum, quanti aut omnino opus facere,  
aut omnino nihil agere. etenim quum ij, qui vites ea de causa fos  
diunt, vt omni materia puræ, liberæq; reddantur, ita fodiunt, vt et co  
piofior, et pulchrior existat materia, qui tandem fieri possit, vt non  
quidquid est istiusmodi operis, id et cassum, et ociosum dicas: multo  
igitur potius hæc sunt, quæ domos et familias perdant ac deleant,  
quàm vlla ingens rerum agendarum inscitia. nam quum impendia

è domibus solida atq; integra abeunt, opera autem non ita perficiuntur, ut ipse sumptus requirit, mirum videri, si pro copia egestas acquiritur, non debet. enimvero quod iis, qui et sedulo curare possint, et agricultura suo, certoq; ordine exerceant, ea ipsa expeditissimum afferat quæstum, et ipse dum illi operam dat exemplo suo ostendit, et me ipsum idem docuit pater. nunquam enim me bene cultum agrum emere sinebat. sed qui aut negligentia, aut inopia eorū qui possiderent, neq; cultus esset, neq; arboribus consitus, eum ut emerem hortabatur. nam qui culti, elaboratiq; essent, eos tales effectos multo argento dicebat, neq; præterea incrementum accipere. porro eos qui incrementum non acciperent, ne similes quidem voluptates, ut eos qui acciperent, suppeditare arbitrabatur. Omnem enim possessionem, omneq; pecoris genus, quod in melius feratur, magnopere delectare existimabat. nihil vero maius accipere solere incrementum, quam agrum, qui ex inutili et infæcundo omnium rerum ferax redderetur. scito enim, ô Socrates, multos iam à nobis agros, ita auctos, ut multiplicato veteri pretio longe pluri, quam antea, vendibiles forent. et hac quidem sententia, ô Socrates, inquit, tanti facienda est, et ad discendum, ita facilis, ut tu nunc qui audisti, non minus eam ipsam edocētus et sciens, quam ego abiturus sis, aliisq; etiam docendo traditus rus si velis. nec vero hoc meus pater ab ullo alio didicerat, nec item cum magna sollicitudine, aut labore inuenerat: sed quod rem rusticam amaret, laborq; illi esset iucundus, ob id magno se studio eius generis agrum quasiuisse dicebat, ex quo pariter, et quid ageret haberet, et unde utilitatem capiens delectaretur. enimvero erat, inquit, ô Socrates, natura, ut mihi quidem videtur, ad rem rusticam inter Athenienses aptissimus, eiusq; rei studiosissimus pater meus. tum ego, quum hoc ipsum audiuissem, interrogavi hominem, utrum, inquam, ô Ischomache, quoscunq; excoleret agros pater tuus, omnes item possidere pergebat, an etiam vendebat, si vendentem se multum

argenti conflaturum inde sperabat? vendebat scilicet, inquit Ischomachus. sed quum labore delectaretur vehementer, alium illico incultum mercabatur. et ego dicis, inquam, ô Ischomache, patrem tuum vere studiosum rei rusticæ suapte natura fuisse, non secus ac mercatores rei frumentariæ. si quidem mercatores, quum vehementer rem frumentariam anent, ubicunq; audierint plurimum frumenti esse, continuo illuc feruntur; neq; aut Aegæum, aut Euxinum, aut Siculum mare traicere verentur. deinde ubi quantam possunt maximam illius copiam sustulerunt, eandem alto mari nauigantes absportant; eodem maxime nauigio, quo ipsi vehuntur impositam. quotiesq; argentum desyderant, non illud quod vehunt frumenti temere quoscunq; delati sint, abijciunt, sed ubicunq; audierint illius esse maximam caritatem, idemq; maximo ab hominibus pretio aestimari, eo vehere illud conantur, vt hominibus illud plurimi facientibus tradant. quocirca mihi quidem tuus pater eadem ratione videtur studiosus rei rusticæ fuisse. aduersus hæc autem Ischomachus, tu quidem, inquit iocaris, ô Socrates. ego uero uel ædificandi studiosos itidem esse arbitror, eos qui exædificare soliti sunt, alias, et alias domos, quas deinceps alijs, et alijs emptoribus uendant. mihi quidem inquam haud istuc dubium est, ô Ischomache. quinetiam iureiurando affirmo, me tibi credere, te arbitrari homines suapte natura earum rerum omnium studio teneri, à quibus sperent se utilitatem accipere. cæterum illud cogito nunc ô Ischomache, ut totum sermonem ei sententiæ accommodatum, quæ à te proposita est, egregie præstiteris. si quidem proposuisti artem agriculturæ omnium esse ad discendum facillimam. nunc autem ego ex omnibus, quæ dixisti, id ita habere usquequaq; persuasum habeo. Id ipsum scilicet, inquit, Ischomachus. uerumtamen, ô Socrates, quod rationibus omnibus uniuersis, rusticæ, ciuili, familiari, bellicæ, commune est, ut ad imperandum idoneus sit, quicumq; earum aliqua sit functurus, id ego quis

dem planè tibi assentior in causa esse, vt alij sententia ac mente longe sint alijs præstantiores: veluti in triremi, inquit, quum iam pelagus tenent, et remorum vi diurnas perficere nauigationes coguntur, tum alij quidem, quorum munus est in naui iubere, ea et dicere et facere possunt, quibus animos hominum alacres reddant ad id sua sponte agendum, quod tali tempore agendum sit. alij vero ita improvidi sunt, vt duplo longiore temporis spatio eandem nauigationem conficiant: et hi quidem, qui iubet videlicet, quique iubenti parent, egrediuntur de naui sudantes, mutuisque se laudibus afficientes: illi vero dum nullo sudore nauem impellunt, odio se mutuo prosequuntur: eos qui parent, is qui iubet, eum qui iubet, ij qui parent. eadem ratione, inquit, imperatores alij alijs præstant: nam alij quidem eos quibus imperant, neque ad labores, neque ad pericula subeunda alacres, neque ad parandum, vel animo obsequentes, vel voluntate faciles præstant, nisi quoad aliqua necessitas cogat, quinetiam gloriantes si quando imperanti repugnauerint. idem porro ne ulli quidem verecundiæ aut pudori assuetos habent, si forte pudendum quidpiam commiserint. alij vero illi et diuini et præclari duces, qui optime norunt quid facto opus sit, postquam eosdem illos in disciplinam, plerumque autem et alios cum illis, acceperunt, tum et pudentes illico reddunt, nequid turpe committant, et existimantes nihil satius, quam parere: quinetiam et dum parent, vnumquemque exultantes, et vniuersos si laborare sit opus, perquam impigre laborem adeuntes: si quidem, vt in prælatorum singulorumque animis ingeneratur, nonnunquam industria quædam, amorque laboris, sic etiam in toto exercitu à bonis imperatoribus, et laboris studium ingeneratur, et ambitio, cupiditasque agendi præclarum quidpiam in ipsius imperatoris conspectu. quemcumque autem ducem hoc animo prosequuntur qui militant, hic sanè eam sequitur rationem, quæ præstrenui fiunt imperatores, nec vero si qui



illorum optimo habitu corporis milites habeant, et iaculo et arcu  
quàm optime utantur, et equo præstantissimo infideant, ut equis  
tandi summam peritiam, scutiq; atq; hasta vsum singularem ostens  
tent, dum sese ante alios periculis obiciunt, sed qui possunt in  
animis militum eam opinionem infigere, qua putent, et per flamm  
as medias, et per omnia pericula imperatorem esse sequendum,  
eos merito quis magnanimos vocauerit. quicunq; enim hoc animi  
proposito multos habet, qui se ducẽ sequantur, hic merito magna  
manu ingredi ac ferri dicendus est, quippe cuius voluntati mul  
ta libenter subseruiant atq; obsequantur manus, ingensq; ille vir  
fuerit re vera qui animi potius, quàm corporis viribus res ingens  
possit perficere. eadem sane est præuatorum quoq; operum ras  
tio, siue procurator sit, qui operi præst, siue præfectus. qui enim  
potest, et alacres, et ordinem seruantes, et assiduos ad opus fa  
ciendum præstare, hic ex eorum numero est, qui et ad bona pers  
persequenda proficiunt, et ad magnas opes acquirendas idonei sunt.  
at vero ipso domino inuisente opus, o Socrates, quisquis potest ma  
ximo malo afficere malum operarium, aut eum maximo honore  
augere, qui prompte suum munus exequatur, si quando nihil in  
signe efficiant operarii, ego quidem hunc talem non magnopere  
admirer, sed quem conspicati illico excitentur, quoq; præse  
nti vnicuiq; ex operariis animus, et robur accedat, et contentio inter  
ipsum, certamenq; honoris existat, quo quidem nihil cuiquam acti  
dere potest efficacius, hunc sane ego dixerim aliquid moris res  
gii obtinere. hocq; ipsum, meo quidem iudicio, in omni opere,  
vbicunq; aliquid efficiatur per homines, maximi est momenti. quare  
etiam in agricultura. neq; tamen, ita me Diu ament, hoc ipsum  
de quo loquor, videndo duntaxat, aut semel audiendo, quempiam  
discere posse autumo. sed eum qui talia sit præstaturus, et discis  
plina indigere, et bono ingenio præditum esse oportere censeo, et



deniq; , quod omnium maximum est , diuinum existere . non enim videtur mihi hoc omnino bonorum genus humanum esse , sed planè diuinum , palam imperare volentibus . quippe , quod deferri soleat ad eos , qui iam ad summum temperantiæ ac prudentiæ gradum peruenierint . at vero , vt tyrannidem exerceant apud inuitos , ijs mortibus largiuntur Dii , vt ego quidem arbitror , quos existimauerint dignos , qui Tantalii instar viuant : quem aiunt apud inferos vniuersum tempus degere timentem , ne bis moriatur .

FINIS.

VENETIIS APVD BERNARDINVM  
VITALEM. M D XXXIX. KAL.  
AVGVSTI.

*J. Voan. d. d. d. d.*

Cum Privilegio Illustrissimi Dñj  
per Decennium.

6012513





11230

BIBL  
VII

X